



陳氏家譜

爵秩大傳

五





海寧陳氏家譜卷第十三

十世孫元龍編

十一世孫邦直增訂

爵秩

後漢

洪 渤海太守

褒 太子太傅

丞 國子祭酒東莞太守

延 漢中太守

魏

納 尚書郎東莞太守

達 吏部郎中江夏太守

晉

隱 玄菟太守

燕 慕容氏

慶 太子詹事司空

泰 吏部尚書中書令

展 黃門郎

魏 元氏

韜 燕太尉從事中郎入魏為丞相參軍

湖 燕征虜將軍燕郡太守入魏為寧西右將軍

允 鎮軍大將軍咸陽公

謚 侍御史

翻 侍御中散贈假黃鉞大將軍太傅太尉錄尚書事

謚 孝宣

北齊

琛 趙郡王

岳 使持節驃騎大將軍開府儀同三司加太保封清



河王浟贈都督冀定滄瀛趙幽濟七州諸軍太宰太傅定州刺史假黃鉞謚昭武

隋

勅 北齊封樂安王朔州行臺僕射入隋累官上開府  
洮州刺史唐追贈都督四州軍事定州刺史

唐

士廉 吏部尚書封許國公加開府儀同三司同中書  
門下知政事攝太傅浟贈司徒并州都督謚文獻高  
宗即位加贈太尉配享太宗廟庭

履行 戶部尚書益州大都督府長史

審行 戶部侍郎

真行 左衛將軍

重 太子賓客分司東都浟贈太子太保

元裕 吏部尚書山南東道節度使封渤海郡公浟贈

尚書右僕射

少逸 兵部尚書

璩 中書侍郎同中書門下平章事浟贈司空

仲文 邠州觀察使判官



仲武 右班殿直忠州刺史

冕 中尉宋贈中書令

呶 御史中丞書

五代

霸 西川都統領宋贈尚書令密國公

宋

乾 中門使贈尚書令翼國公

瓊 太尉忠武軍節度使歿後累贈太師尚書令兼中

書令追封衛王謚武烈

瑶 富州團練使

繼勳 建雄軍節度使知滑州沒贈太尉追封康王謚

穆武

繼忠 四方館使榮州團練使

繼和 崇儀副使

繼倫 西頭供奉官

繼密 內殿供奉閣門祗候

繼宣 天武捧日四廂都指揮使遷眉州防禦使

繼隆 引進使凌州團練使

海寧陳氏家譜 卷三 四

繼元 嘉州刺史

繼荀 右侍禁

繼芳 供備庫使

繼顯 右侍禁

繼豐 昌州刺史

繼敏 內殿承制

繼昌 西頭供奉官

繼盛 徐州刺史

繼度 西京左藏庫副使

遵範 右侍禁閣門祗候

遵甫 北作坊副使贈太師尚書令追封楚王

遵約 文思院副使

遵憲 供備庫副使

遵揖 右殿班直

遵裕 團練使神龍衛都指揮使知熙州沒贈永州團

練使紹聖中加贈奉國軍節度觀察留後

遵惠 戶部侍郎以龍圖閣學士知慶州沒贈樞密直

學士



永能 神廟右衛都指揮使

永翼 內殿崇班供奉官

士林 內殿崇班殿直沒贈德州刺史加贈昭德軍節

度使紹興初追封普安郡王

士先 熙州刺史

士俊 池州刺史追封郡王

光弼 崇政殿說書

光安 試崇信軍節度使

公繪 保信軍節度使追封咸寧郡王

公紀 寧州刺史團練使永州防禦使集慶留後沒贈

威德軍節度使謚懷僖紹興初追封新興郡王

公庠 東頭供奉官

世英 秘閣脩撰謚文端

世定 朝議大夫秘閣修撰

世則 樞密都承旨兼提舉京畿監牧致仕晉威德軍

節度使開府儀同三司兼判温州奉朝請召入覲進

少保沒贈太傅謚忠節

世祚 右班殿直



選 武當節度推官

本之 江西運判贈朝議大夫

百之 秘閣修撰

子莫 永州知州

明

緒 河南固始縣儒學訓導

中益 江南吳江縣儒學訓導

中節 江南霍邱縣知縣教授

中復 江南霍山縣知縣教授

郎 郎

公陞 河南信陽州司訓

與郊 歷官徵仕郎吏科給事中晉翰林院提督四譯

館太常寺少卿

與相 歷官大中大夫貴州布政使司左叅政 國朝

累贈光祿大夫文淵閣大學士兼禮部尚書

愈嘉 江南徐州儒學學正

日新 江西星子縣儒學教諭

璣 光祿寺署丞以子官贈奉政大夫刑部廣西清吏

司郎中

海軍... 家言... 卷三  
玄暉 由翰林院編修歷官  大夫山東布政使司

左叅政

祖訓 歷官奉直大夫南京兵部車駕司郎中

祖彭 武英殿中書

祖苞 歷官大中大夫巡撫薊遼提督軍務兼都察院

右副都御史 國朝以子之遴官 贈光祿大夫官

保大學士兼禮部尚書

之伸 歷官奉政大夫湖廣布政使司左叅議兼按察

使司僉事管理上江糧儲道監軍叙功加叅政

之佶 文林郎西城兵馬司副指揮

國朝

之烈 福建同安縣知縣

之標 文林郎湖廣長楊縣知縣

之遴 歷官光祿大夫內弘文院大學士兼禮部尚書

加少保

殿桂 歷官廣東高州府推官以子官 贈奉政大夫

戶部郎中

之間 兵馬司指揮以子官累 贈光祿大夫禮部尚



書

之遵 文林郎山東蓬萊縣知縣

之熊 歷官江南永新縣守備

殿楨 署湖州府儒學教諭

鼓永 歷官光祿大夫工部尚書謚文和

潘仁 歷官文林郎河南西華縣知縣

黃永 歷官奉直大夫工科掌印給事中

論 歷官中大夫刑部右侍郎

詵 歷官光祿大夫禮部尚書謚清恪

齊永 歷官中大夫翰林院提督四譯館太常寺少卿

奕禧 歷官中憲大夫江西南安府知府

成永 翰林院庶吉士

訐 歷官温州府儒學教授以子官累 贈通議大夫

都察院左副都御史

元龍 歷官光祿大夫太子太傅文淵閣大學士兼禮

部尚書謚文簡

謙 歷官奉政大夫山東萊州府知府

慈永 承德郎內閣辦事中書舍人



嵩 歷官中憲大夫禮部祠祭司郎中加二級

祺永 歷官中憲大夫貴州思南府知府

勳 歷官奉直大夫掌京畿道監察御史

世儀 文林郎福建海澄縣知縣以子官 贈奉政大

夫工部屯田清吏司主事

世安 歷官中憲大夫分巡直隸大名道按察使司副

使

世繩 嚴州府儒學訓導

琰 紹興府嵯縣儒學教諭

世儁 歷官中憲大夫江西建昌府知府

世傳 金華府義烏縣儒學訓導

世倬 歷官通議大夫都察院左副都御史

世仁 徵仕郎翰林院檢討

岫 歷官文林郎江南歙縣知縣

邦彥 歷官中大夫日講官起居注翰林院侍讀學士

世偓 署河南開封府通判

世修 歷官遂昌縣教諭

世倌 歷官光祿大夫文淵閣大學士兼 部尚書



世侃 徵仕郎翰林院檢討

邦懷 承德郎工部虞衡清吏司主事

武嬰 歷官文林郎福建莆田縣知縣

世佺 歷官文林郎山東日照縣知縣

邦直 歷官奉政大夫翰林院編修加七級

麟 承德郎江南淮安府宿桃中河通判

克崧 文林郎直隸高陽縣知縣

克隆 歷官中憲大夫直隸河間府知府

克嵩 文林郎福建侯官縣知縣

克鑑 奉政大夫工部屯田清吏司主事

克復 歷任中憲大夫雲南廣南府知府

銛 文林郎四川新都縣知縣

韶 歷官承德郎直隸天津府通判

越 歷署陝西榆林縣知縣

克鎬 文林郎陝西華亭縣知縣

鼎 文林郎湖廣麻城縣知縣

克濬 署江南安東縣知縣

鐙 署江南阜寧縣知縣




海寧陳氏家譜 卷三 十一  
筠孝 處州府泰順縣儒學教諭

封贈 登仕籍者  
不再列

中漸 明庠生贈徵仕郎吏科給事中 國朝累贈光

祿大夫太子太保禮部尚書

與伯 明封奉直大夫南京兵部車駕清吏司郎中

祖臯 明庠生贈  郎西城兵馬司指揮 贈奉政

大夫刑部廣西清吏司郎中

祖萊 太學生 誥贈光祿大夫經筵講官吏部左侍

郎兼翰林院學士

玄成 太學生累 贈光祿大夫文淵閣大學士兼禮

部尚書

之暹 舉人 誥封光祿大夫經筵講官吏部左侍郎

兼翰林院學士

之壘 庠生 敕贈文林郎江南歙縣知縣

之間 貢生 誥封奉直大夫左春坊左諭德兼翰林

院修撰 贈中大夫詹事府少詹事兼翰林院侍講

學士 贈光祿大夫禮部尚書

之闈 貢生 誥封光祿大夫詹事府詹事兼翰林院

侍讀學士累 贈文淵閣大學士兼禮部尚書

之逖 貢生 誥封中大夫翰林院提督四譯館太常

寺少卿

會永 貢生 敕封徵仕郎內閣中書 贈奉直大夫

工部營繕司員外郎

誠 太學生 贈中憲大夫江西建昌府知府

懷永 庠生 敕贈文林郎江南歙縣知縣

諶 庠生 敕贈文林郎山東日照縣知縣

維申 太學生 誥贈中大夫日講官起居注翰林院

侍讀學士

依仁 太學生 敕贈承德郎工部虞衡清吏司主事

世僖 太學生 敕贈承德郎直隸天津府通判

世恭 貢生 誥贈中憲大夫雲南大理府知府

恩廕

奮永 一品廕生

克垂 品廕生

善貽 二品廕生

進士



選 紹興甲戌進士

百之 紹興丁丑進士

與郊 萬曆甲戌進士

與相 萬曆丁丑進士

玄暉 萬曆癸丑進士

祖苞 萬曆癸丑進士

之遴 崇禎丁丑榜眼及第

殿桂 崇禎癸未進士

鼓永 順治乙未進士

論 順治辛丑進士

齊永 康熙丙辰進士

成永 康熙辛未進士

元龍 康熙乙丑榜眼及第

嵩 康熙癸未進士

勳 康熙丙辰進士

世雋 康熙丙戌進士

世倅 康熙己丑進士

世仁 康熙乙未進士

海寧陳氏家譜 卷三  
邦彥 康熙癸未進士

世倌 康熙癸未進士

世侃 康熙癸巳進士

武嬰 康熙乙未進士

邦直 康熙乙未進士

舉人

選 鄉進士

百之 鄉進士

道隆 淳熙己酉鄉進士

中孚 正德癸酉舉人

中節 嘉靖壬午舉人

與郊 隆慶丁卯舉人

與相 萬曆癸酉舉人

祖訓 萬曆甲午舉人

玄暉 萬曆己酉舉人

祖苞 萬曆己酉舉人

之伸 天啓辛酉舉人 崇禎甲戌會試副榜

之遴 天啓甲子舉人



之暹 崇禎丙子舉人

殿桂 崇禎壬午舉人

殿植 崇禎壬午舉人

之熊 康熙癸卯武舉人

鼓永 順治戊子舉人

堅永 順治辛卯舉人

黃永 康熙乙卯舉人

論 順治丁酉舉人

容永 順治甲午舉人

萬榮 康熙丁巳舉人

說 康熙壬子舉人

齊永 康熙乙卯舉人

成永 康熙丁巳舉人

元龍 康熙戊午舉人

嵩 康熙丙子舉人

勳 康熙乙卯舉人

世安 康熙丁巳舉人

于宸 康熙癸酉舉人

琰 康熙戊子舉人

世雋 康熙壬午舉人

世鵬 康熙甲午舉人

世倕 康熙乙酉舉人

世儼 康熙辛卯舉人

世仁 康熙戊子舉人

峴 康熙乙酉舉人

邦彥 康熙壬午舉人

世倜 康熙甲午舉人

世修 康熙癸巳舉人

世信 康熙壬午舉人

世侃 康熙戊子舉人

邦懷 康熙巳卯舉人

武嬰 康熙辛卯舉人

偉 康熙庚子舉人

世佶 康熙癸巳舉人

世傲 康熙辛卯舉人

世佺 康熙癸巳舉人



邦直 康熙辛卯舉人

履長 雍正壬子舉人

履祥 雍正丙午舉人

琮 康熙壬午舉人

麟 康熙戊子舉人

克崧 康熙辛卯舉人

克隆 康熙戊子舉人

昕 雍正癸卯舉人

銛 雍正甲辰舉人

源生 雍正癸卯舉人

鏞 雍正丙午舉人

韶 雍正癸卯舉人

克鎬 雍正癸卯舉人

覲光 乾隆丙辰舉人

錕 雍正壬子舉人

鑾 雍正壬子舉人

昶 乾隆丙辰舉人

望 乾隆丙辰舉人

琪 乾隆丙辰舉人

副榜 中副榜後旋登正榜者不再列

之烈 崇禎己卯副榜

之遵 順治甲午副榜

堪永 順治甲午副榜

桐虞 康熙癸卯副榜

垣 康熙辛卯副榜

筠孝 雍正癸卯副榜

鏡 乾隆丙辰副榜

明經 登第及入仕版膺封典者不再列庠生太學生倣此

奕昌 高永 牲永 澍永

世基 世份 卓祺 世倣

世倬 世倫 一夔 克韶

述祖 基 孝恒

庠生 由明迄國朝庠生太學生幾數百人俱無歲月可考故每世序齒統載不復以朝代相

中謙 中履 中濟 中臨

中豫 公尚 公廷 公名



與言 愈熹 日章 王謨

嘉猷 侯胤 侯佐 侯度

侯甫 侯周 侯儀 侯熙

祖望 治安 祖莘 諤言

祖謨 善 治棊 廷耀

鯤 鯨 祖諭 祖芬

鳳彩 繼良 祖諄 醇伯

之遷 穎伯 儁伯 之杰

之駿 之遠 之颺 之瓚

之迓 之价 之璿 之薪

之虹 之寅 士俊 之晉

之翰 殿策 之銓 奇先

之造 之埏 之邁 之緇

汝諧 之竣 士奇 殿棟

之宏 廷揚 賁永 譽永

淳永 思永 祥龍 桃永

道永 襄永 戩永 曾永

綬永 沓永 禔永 禋永

每軍東大... 爵秩





必 克為 克宅 岐

載 禎 嶷 覲

克彝 兆鯤 振遠 應泰

懷桂 璉 治 克鏞

克鎔 鉉 必克 江

高吟 佳美 嘉績 錦

昱 圖 大謨 鐔

克明 璵 掄元 肇基

天錦 暉 惇 暉

克鈞 鏐 克圖 又曾

克鏹 克鑾 廷佩 克臨

常 承祖 鑄 克偉

克順 克光 廷輝 瀚

採孝 基昌 人龍 奕順

光晟 飛鳳 宣 鏐

純仁 齡 魏 士濂

晉 天桂 以孝 景星

孝基 學 豹蔚 廷元

修 敬鐘 廷颺

太學生

世美 之遇 皆永 梅永

萱永 廣永 奕揆 植永

奕珣 恭永 律永 漢永

祐永 暢永 光世 世培

撫世 期昇 世權 世賓

世坊 燕 堯世 世傅

世簡 代熙 世瑞 燮

世敏 世侁 世澹 世格

世鍾 佐 大成 皦

世行 銓 世廣 世大

世瓚 世楷 世顯 世琳

世弼 佑 世牧 億

正始 克復 克賊 克勦

信 俊 延樞 時敏

昶 塾 克周 克用

克周 克輅 文岐 鳴鍵



珍 克錕 克鋹 克崧

光祖 克鋹 聯芳 克仕

建豫 克鈺 暄 祖武

克銓 克章 璿 師旦

琇 克夏 克讓 濟生

傳 師軾 天璣 鈞

師曾 興宗 克秀 克鎡

琫 克璜 克鍵 晉錫

淦 振 克敏 夢籛

珞 念祖 克繩 璣

克光 球 思義 玕

天錫 于陞 瑛 延嗣

師復 善慶 彩 彪

孝璘 家棟 孝宏 龍雲

沆 澍 凱 孚

旦雲 一鳳 一鶴 彌堅

廷傑 承敬 玟 九高

廷勤

海寧陳氏家譜卷第十四

十世孫元龍編

十一世孫邦直增訂

大傳一

秦吏部尚書中書令公

公諱泰字子伯渤海蓀人漢渤海太守諱洪之後也曾  
祖諱達吏部郎中江夏太守祖諱隱晉玄菟太守父諱  
慶燕太子詹事司空公仕燕為車騎從事中郎慕容垂  
之奔於齊也公坐免官尚書右丞申紹言於慕容評曰  
今吳王出奔外口藉藉宜徵王僚屬之賢者顯進之粗



可銷謗評曰誰可者紹曰高泰其領袖也乃以公爲尚書郎秦遣黃門郎石越聘燕慕容評示之以奢欲以誇燕之昌盛公言于評曰越言誕而視遠非求好也乃觀釁也宜耀兵以示之用折其謀今乃示之以奢益爲其所輕矣評不從公遂謝病歸家及燕亡秦陽平公融嘗坐擅起學宮爲有司所糾劾遣主簿李纂詣長安自理纂憂懼道卒融問申紹誰可使者紹曰燕尚書郎高泰清辨有膽智可使也先是丞相王猛及融屢辟公公皆不從至是融謂公曰君子救人之急卿不得復辭公乃

從命至長安猛見之笑曰高子伯於今乃來何其遲也公曰罪人來受刑何問遲速猛曰何謂也公曰昔魯僖公以泮宮發頌齊宣王以稷下垂聲今陽平公開建學宮追蹤齊魯未聞明詔褒美乃更煩有司舉劾明公阿衡聖朝勸懲如此下吏何所逃罪乎猛曰是吾過也事遂得釋猛因歎曰高子伯豈陽平所宜吏乎入言於堅堅召見與語悅之問以爲治之本對曰治本在得人得人在審舉審舉在核真未有官得其人而國家不治者也堅曰可謂辭簡而理博矣以爲尚書郎公固請還州



海寧縣志卷之四 二  
堅許之及秦之敗秦徵東府官屬疑公燕之舊臣有二  
心公懼與同郡虞曹從事吳韶逃於渤海韶曰燕軍近  
在肥鄉卿宜從之公曰吾以避禍耳去一君事一君吾  
所不爲也申紹聞而歎曰去就以道可謂君子矣後終  
吏部尚書中書令子韜湖別有傳

魏寧西右將軍

公諱湖字大淵父諱泰吏部尚書中書令公少機敏有  
器度與兄韜俱知名于時雅爲鄉人崔逞所敬異少歷  
顯職爲散騎常侍垂遣太子寶等伐魏公言於垂曰魏  
燕之與國世爲婚姻彼有內難燕實赴之燕有所求彼  
無違者其德施厚矣和好多年行人相繼間以求馬不  
獲遂畱其弟曲在於我非彼之失政當修敦舊好又寧  
國家奈何復令太子率衆遠伐且拓跋雄畧有謀險阻  
艱難備嘗之矣兵精馬強未易輕也皇太子富于春秋



志果氣銳輕敵好勝難可獨行兵凶戰危今委之專征  
必小魏而輕之萬一不如所欲傷威毀重願陛下深以  
爲慮言頗切厲垂怒詔免公官寶果敗於叅合寶立起  
爲征虜將軍燕郡太守寶走和龍兄弟交爭公見其衰  
亂遂率三千戶降魏任爲寧西右將軍

北齊清河昭武王

王諱岳字洪畧高祖神武帝從弟也曾祖諱湖魏寧西  
右將軍祖諱謚侍御史父諱翻字飛雀贈太尉謚孝宣  
公王幼時孤貧人未之知長而敦直姿貌嶷然沈深有  
器量初王家於洛邑神武每奉使入洛必止王舍王母  
山氏嘗夜起見神武室中有光密往覘之乃無燈即移  
神武於別室如前所見恠其神異詣卜者筮之遇乾之  
大有占之曰吉易稱飛龍在天大人造也貴不可言山  
氏歸報神武後神武起兵於信都山氏大喜謂王曰赤



光之瑞今當驗矣汝可間行從之共圖大計王遂往信  
都神武見之大悅中興初除散騎常侍鎮東將軍金紫  
光祿大夫領武衛將軍神武與四胡戰於韓陵神武將  
中軍高昂將左軍王將下軍中軍敗賊乘之王舉麾大  
呼橫衝賊陣神武回師表裏奮擊因大破賊以功除衛  
將軍右光祿大夫仍領武衛太昌初除車騎將軍左光  
祿大夫領左右衛封清河郡公食邑二千戶母山氏封  
郡君授女侍中入侍皇后時爾朱兆猶據并州神武將  
討之令王留鎮京師遷驃騎大將軍儀同三司天平二

年除侍中六州軍事都督尋加開府王辟引時賢以爲  
僚屬論者美之尋都監典書復爲侍學除使持節六州  
大都督冀州大中正俄拜京畿大都督其六州事悉詣  
京畿時神武統務晉陽王與侍中孫騰等在京師輔政  
元象二年遭母憂去職王性至孝盡力色養母疾衣不  
解帶及遭喪哀毀骨立神武深憂之每日遣人勞勉尋  
起復本任二年除兼領軍將軍興和初文襄入總朝政  
王出爲使持節都督冀州刺史侍中驃騎開府儀同如  
故三年轉青州刺史王任權日久素爲朝野畏服及出



法苑珠林卷一百一十五  
五  
為藩百姓望風警憚武定元年除晉州刺史西南道大  
都督得綏邊之稱時王遇患神武令還并治療疾瘳復  
令赴職及神武崩侯景叛文襄徵王還并共圖取景之  
計而梁武帝乘間遣其貞陽侯明率衆于寒山擁泗水  
灌彭城與景為犄角聲援王總諸軍南討與行臺慕容  
紹宗等擊破之擒明及其大將胡貴孫俘馘數萬景乃  
擁衆於渦陽與左衛將軍劉豐等相持王回軍追討又  
破之景單騎逃竄六年以功除侍中太尉餘如故別封  
新昌縣子又拜使持節河南總管大都督統慕容紹宗

劉豐等討王思政於長社引洧水灌城紹宗劉豐為思  
政所獲西魏出兵援思政王內外防禦城不沒者三板  
會文襄親臨數日尅城獲思政等以功別封真定縣男  
文襄以為已功故賞典弗弘也文襄崩文宣出撫晉陽  
令王以本官兼尚書左僕射留鎮鄴天保初進封清河  
郡王尋除使持節驃騎大將軍開府儀同三司宗師司  
州牧五年加太保梁蕭繹為周軍所逼遣使告急且請  
援冬詔王為西南道大行臺統司徒潘相樂等救江陵  
六年正月師次義陽遇荊州陷因畧地尅梁郢州獲刺



史司徒陸法和送鄴詔王旋師王自討寒山長杜及出  
隨陸並有功威名彌重性華侈尤悅酒色歌姬舞女陳  
鼎擊鐘諸王皆不及初高歸彥少孤神武令王撫養輕  
其年幼情禮甚薄歸彥內銜之及歸彥爲領軍大被寵  
遇王謂其德已更倚賴之歸彥密構其短王於城南起  
宅廳事後開巷歸彥奏文宣曰清河造宅僭擬帝宮制  
爲永巷但無闕耳帝後夜行見壯麗意不平仍屬帝召  
鄴下婦人薛氏入宮而王先嘗迎之至宅繇其姊也帝  
懸薛氏姊而鋸敎之讓王以爲姦人女王曰臣本欲取

之嫌其輕薄不用姦也帝益怒六年十一月使高歸彥  
就宅切責之王憂悸不知所爲數日而薨故時論紛然  
以爲賜酖朝野歎之時年四十四詔大鴻臚監護喪事  
贈使持節都督冀定滄瀛趙幽濟七州諸軍太宰太傅  
定州刺史假黃鉞給輜輶車賵物二千段謚曰昭武初  
王與神武經綸天下家有私兵戎器儲甲千餘領文襄  
末王以四海無事表求納之文襄推心相任云叔屬居  
肺腑職在維城所有之甲本資國用叔何疑而納之文  
宣之世亦頻請納又固不許及將薨遺表謝恩并請上



海寧陳氏家言 卷四  
甲於武庫葬畢方許納焉皇建中配享文宣廟庭後歸  
彥反武城知其前譖曰清河忠烈盡力皇家而歸彥毀  
之間吾骨肉籍沒歸彥以良賤百口賜王家後又思王  
功重贈太子太保餘如故子勣嗣

隋上開府洮州刺史公

公諱勣字敬德北齊清河昭武子也幼聰敏美丰儀以  
仁孝聞為文宣所愛七歲襲爵清河王遣侍皇太子十  
四除青州刺史拜日文宣戒之曰叔父前牧青州甚有  
遺惠故遣汝慰彼黎庶宜好用心無墜聲績王流涕對  
曰臣以蒙幼濫叨拔擢雖竭庸短懼忝先政帝曰汝既  
能有此言吾不慮也尋進授武衛將軍領軍祠部尚書  
開府儀同三司以清河地在畿內改封樂安王轉侍中  
尚書右僕射出為朔州行臺僕射後主晉州敗太后從



王門道還京師勅王統兵侍衛時佞幸閹寺猶行暴  
民間雞猪悉放鷹犬搏噬取之王收儀同三司荀子溢  
狗軍欲行大戮太后救之乃得釋劉文殊竊謂王曰子  
溢之徒言成禍福何容如此王攘袂語文殊曰自獻武  
皇帝以來撫養士卒委政親賢用武行師未有折劔今  
西寇已次并州達官多叛正坐此輩專政弄權所以內  
外離心衣冠解體若得今日斬此卒明日及誅亦無所  
恨王國家姻婭須同疾惡反爲此言豈所望乎文殊甚  
愧之太后還至鄴周軍續至人皆恟懼無有鬪心朝士

出降晝夜相屬王因奏後主曰今翻叛多是貴人至於  
卒伍猶未離貳請追五品以上家屬置三臺上脅之曰  
若戰不捷即退焚臺此曹顧惜妻子必當死戰且王師  
頻北賊徒輕我今背城一決理必破之此亦計之上者  
後主不從遂棄鄴東遷王恒後殿爲周軍所得武帝與  
語大悅因問齊亡所由王發言流涕悲不自勝帝爲改  
容授開府儀同三司隋文帝爲丞相謂曰齊亡由任邪  
佞公父子忠良聞於隣境宜善自愛公拜謝曰勦亡齊  
末屬不能扶危定傾既蒙獲宥已多優幸況濫叨名級



海寧陳氏家譜 卷之四 九  
致速官謗帝甚器之再遷楚州刺史城北有伍子胥廟其俗敬鬼祈者必以牛酒至破產業王歎曰子胥賢者豈宜損百姓乎告諭所部自是遂止百姓賴之開皇七年轉光州刺史上表曰陳氏數年以來荒悖滋甚天厭亂德祆實人興或空裏時有大聲或行路共傳鬼恠或剗人肝以祠天狗或自捨身以厭祆訛人神怨憤怪異薦發臣以庸才猥蒙朝寄頻歷蕃守與其隣接密邇仇讐知其動靜天討有罪此即其時若戎車雷動戈船電邁臣雖駑怯請効鷹犬并上平陳五策帝嘉之答以優

詔及大舉伐陳以王爲行軍總管從宜陽公王世積下陳江州以功拜上開府賜物三千段時隴右諸羗數爲寇亂朝廷以王有威名拜洮州刺史下車大崇威惠人夷悅附豪猾屏跡路不拾遺以善政稱後吐谷渾來寇王時遇疾不能拒戰賊遂大掠而去憲司奏王亡戶口坐免卒於家唐褒顯前代名臣追贈都督四州諸軍事定州刺史子士廉最知名



唐太子太傅許國文獻公附子履行真行審行。五世孫重。六世孫元裕。

公諱儉字士廉以字顯齊清河王諱岳之孫父諱勸樂安王入隋為洮州刺史公敏惠有度量狀貌若畫觀書一見輒誦敏於占對隋司隸大夫薛道衡起居舍人崔祖濬皆宿臣顯重與為忘年友繇是有名自以齊宗室不欲廣交屏居終南山下吏部侍郎高孝基勸之仕仁壽中舉文才甲科補治禮郎斛斯政奔高麗坐與善貶朱鳶主簿以母老不可居瘴癘地乃畱妻鮮于奉養而



行會世大亂京師阻絕交趾太守邱和署司法書佐時  
欽州俚帥甯長真以兵侵交趾和懼欲出迎公曰長真  
兵雖多懸軍遠客勢不得久城中勝兵尚可戰柰何受  
制於人和因命爲行軍司馬逆擊破之高祖遣使徇嶺  
南武德五年與和來降於是秦王領雍州牧薦公爲治  
中親重之隱太子與王隙已熾乃與長孫無忌密計計  
定是日率吏卒釋囚授甲趨芳林門助戰王爲皇太子  
授右庶子進侍中封義興郡公坐匿王珪奏不時上左  
授安州都督進益州大都督府長史蜀人畏鬼而惡疾

雖父母病皆委去望舍投餌哺之昆弟不相假財公爲  
設條教辨告督勵風俗翕然爲變又引諸生講授經藝  
學校復興秦時李冰導汶江水灌田瀕水者頃千金民  
相侵冒公附故渠廝引旁出以廣溉道人以富饒入爲  
吏部尚書進封許國公雅負裁鑒又詳氏譜所署州人  
地無不當者高祖崩攝司空營山陵加特進遷尚書右  
僕射公三世居此官世榮其貴太宗幸洛陽太子監國  
命攝少師手詔曰端拱三川不憂關中者以屬卿也久  
之請致仕聽解僕射加開府儀同三司同中書門下三



品知政事帝伐高麗皆同太子監國駐定州又攝太傅  
同掌機務太子令曰寡人資公訓道而比聽政據按對  
公情所未安所司宜別設按奉太傅公固辭還至并州  
有疾帝即所舍問之貞觀二十一年正月疾甚帝幸其  
第爲流涕是月壬辰薨年七十一又欲臨弔房玄齡以  
帝餌金石諫不宜近喪帝曰朕有舊故姻戚之重君臣  
之分卿置勿言即從數百騎出長孫無忌伏馬前陳公  
遺言乞不臨喪帝猶不許無忌至流涕乃還入東苑南  
向哭詔贈司徒并州都督謚曰文獻陪葬昭陵方寒食

勅尚宮以食四輦往祭帝自爲文喪出橫橋又登城西  
北樓望哭以過喪高宗即位加贈太尉配享太宗廟廷  
公進止詳華凡有獻納搢紳皆屬以目奏議未嘗不焚  
橐家人無見者公少識太宗非常人以所出女歸之是  
爲文德皇后及遺令墓不得他藏惟置衣一襲與平生  
所好書示先王典訓可用終始者初太宗嘗以山東士  
人尚閹閹後雖衰子孫猶負世望嫁娶必多取貲故人  
謂之賣婚由是詔公與韋挺岑文本令狐德棻責天下  
譜牒參考史傳檢正真僞進忠賢退悖惡先宗室後外



咸退新門進舊望右膏梁左寒畯合二百九十三姓千六百五十一家爲九等號曰氏族志而崔幹仍居第一帝曰我于崔盧李鄭無嫌顧其世衰不復冠冕猶恃舊地以取資不肖子偃然自高販鬻松楨不解人間何爲貴之齊據河北梁陳在江南雖有人物偏方下國無可貴者故以崔盧王謝爲重今謀士勞臣以忠孝學藝從我定天下者何容納貴舊門向聲背實買昏爲榮耶太上有立德其次有立功其次有立言其次有爵爲公卿大夫世世不絕此之謂門戶今皆反是豈不惑耶朕以

今日冠冕爲等級高下遂以崔幹爲第三姓班其書天下高宗時許敬宗以不叙武后世又李義府恥其家無名更以孔志約楊仁卿史玄道呂才等十二人刊定之裁廣類例合二百三十五姓二千二百八十七家帝自叙所以然以四后姓鄴公介公及三公太子三師開府儀同三司尚書僕射爲第一姓文武二品及知政事三品爲二姓各以品位高下叙之凡九等取身及昆弟子孫餘屬不入改爲姓氏錄當時軍功入五品者皆昇譜限搢紳恥焉目爲勲格義府奏悉索氏族志燒之又詔



海寧氏家譜 卷四  
後魏隴西李寶太原王瓊滎陽鄭溫范陽盧子遷盧澤  
盧輔清河崔宗伯崔元孫前燕博陵崔懿晉趙郡李楷  
凡七姓十家不得自爲昏三品以上納幣不得過三百  
匹四品五品二百六品七品百悉爲歸裝夫氏禁受陪  
門財先是後魏太和中定四海望族以寶等爲冠其後  
矜尚門地故氏族志一切降之王妃主壻皆取當世勳  
貴名臣家未嘗尚山東舊族後房玄齡魏徵李勣復與  
昏故望不減然每姓第其房望雖一姓中高下縣隔李  
義府爲子求昏不得始奏禁焉其後天下衰宗落譜昭

穆所不齒者皆稱禁昏家益自貴凡男女皆潛相聘娶  
天子不能禁世以爲敝云公六子履行審行真行有名  
○履行居母喪毀甚太宗諭使強食尚東陽宮主襲爵  
由戶部尚書爲益州大都督府長史政有名坐長孫無  
忌左授洪州都督改永州刺史○真行至左衛將軍其  
子岐連章懷太子事貶睦州刺史○審行自戶部侍郎  
貶渝州刺史○公五世孫重字文明以明經中第李巽  
表鹽鐵轉運巡官善職凡十年進累司門郎中敬宗慎  
置侍講學士重以簡厚惇正與崔郾偕選再擢國子祭



酒文宗好左氏春秋命分列國各爲書成四十篇與鄭  
覃判定九經於石出爲鄂岳觀察使以美政被褒久之  
拜太子賓客分司東都卒贈太子太保○六世孫元裕  
字景圭第進士累辟節度府以右補闕召道商州會方  
士趙歸真擅乘驛馬元裕詆曰天子置驛爾敢疾驅耶  
命左右奪之還具以聞敬宗視朝不時稍稍決事禁中  
宦豎恣放大臣不得進見元裕諫曰今西頭勢乃重南  
衙樞密之權過宰相帝頗寤而不能有所檢制人皆危  
之俄換侍御史內供奉士始相賀李宗閔高其節擢諫

議大夫進中書舍人鄭注入翰林元裕當書命乃言以  
醫術侍注愧憾及宗閔得罪元裕坐出餞貶閬州刺史  
注死復授諫議大夫翰林侍講學士莊恪太子立擇可  
輔導者乃兼賓客進御史中丞即建言紀綱地官屬須  
選有不稱職者請罷之於是監察御史杜宣猷柳瓌崔  
郢侍御史魏中庸高弘簡並奪職故事三司監院官帶  
御史者號外臺得察風俗舉不法元和中李夷簡因請  
按察本道州縣後益不職元裕請監院御史隸本臺得  
專督察詔可累擢尚書左丞領吏部選出爲宣歙觀察



使入授吏部尚書拜山南東道節度使封渤海郡公奏  
蠲逋賦甚衆在鎮五年復以吏部尚書召卒於道年七  
十六贈尚書右僕射元裕性勤約通經術敏於爲吏巖  
巖有風采推重于時自侍講爲中丞文宗難其代元裕  
表言兄少逸才可任因以命之世榮其選少逸長慶末  
爲侍御史坐失舉劾貶贊善大夫累遷諫議大夫乃代  
元裕稍進給事中出爲陝虢觀察使中人責峽石驛吏  
供餅惡鞭之少逸封餅以聞宣宗怒召使者責曰山谷  
間是餅豈易具耶謫隸恭陵中人皆斂手以兵部尚書

致仕卒元裕始名允中大和中改今名○元裕子璩字  
瑩之第進士累佐使府以左拾遺爲翰林學士擢諫議  
大夫近世學士超省郎進官者惟鄭顥以尚主而璩以  
寵升云懿宗時拜劍南東川節度使召拜中書侍郎同  
中書門下平章事閱月卒贈司空



宋衛武烈王

王諱瓊字寶臣家世燕人曾祖諱冕贈中書令祖諱霸  
 贈尚書令密國公父諱乾贈尚書令冀國公五代時李  
 氏據江南潛結契丹歲遣使往復密國公將北命使唐  
 以冀國公從行方至江左會周師攻唐急唐謀間契丹  
 與中夏構隙以紓疆場之難遂殺密國公而居冀國公  
 於濠州聲言為汴人所殺冀國公在濠州久之以江左  
 感弱尋挈三子歸中朝給田亳州之蒙城因土著焉王  
 少勇鷙坐法將刑暑雨創潰王伺守者稍怠即掣釘而



海寧陳氏家言 卷四 六  
逸事王審琦太宗尹京邑時知其材勇召置帳下太宗嘗侍宴禁中甚醉及退太祖送至苑門時王與戴興王超李斌桑贊從王左手執鞘右手執鐙太宗乃能乘馬太祖顧王等壯之因賜以控鶴官衣帶及器帛且勗令盡心焉太宗即位擢御龍直指揮使從征太原命押弓弩兩班合圍攻城及討幽薊屬車駕倍道還畱王與軍中鼓吹殿內六班扈從不及惟王首率所部見行在太宗大悅慰勞之太平興國四年遷天武都指揮使領西州刺史明年改爲神衛右廂都指揮使領本州團練使

車駕巡師大名命王與日騎右廂都指揮使朱守節分爲京城內巡檢坐事出爲許州馬步軍都指揮使會有龍騎亡命卒數十人因知州臧丙出郊謀劫其導從以叛王聞即白丙趣還城因自率從卒數十人挾弓矢單騎追捕至榆林村及之賊入村後舍登墻以拒賊首青狐猜者注弩將射王王引弓一發斃之遂悉擒送于州丙上其事會將北伐召歸授馬步軍都軍頭領冀州刺史樓船戰權都指揮使部船千艘赴定州又城易州師還爲天武右廂都指揮使領本州團練使端拱初遷左



廂改領富州團練使是秋出爲單州防禦使改貝州部  
署其出守也與范廷召王起孔守正並命焉數月廷召  
等皆復補兵職王頗悒悒時王承衍鎮定邱公主每入  
禁中頗知上於王厚承衍每寬慰之二年召還故事廉  
察以上入朝始有茶藥之賜至是特賜王焉三月遷朔  
易帥臣制授王侍衛馬軍都指揮使領歸義軍節度廷  
召輩始加觀察使不得與王比出爲并州馬步軍都部  
署時潘美亦在太原舊制節度使領軍職者居上王以  
美舊臣表請居其下從之戍兵有以廩食陳腐譁言者

王知之一日出巡諸營士卒方聚食因取其飯自啖之  
謂衆曰今邊鄙無警爾等坐飽甘豐且知幸也衆言遂  
息改鎮州都部署至道中就改保大軍節度典軍如故  
真宗即位加彰信軍節度充太宗山陵都部署復爲并代  
都部署咸平中契丹犯塞其母車帳至狼山大廈上親  
巡河朔遣楊允恭馳往召王率所部出土門與石保吉  
會鎮定既而傅潛以逗畱得罪即召王代之兵罷復還  
本任轉運使言其政績詔褒之咸平三年代還以手創  
不任持笏詔執挺入謁授殿前都指揮使先是范廷召



桑贊所將邊兵臨敵退衄言者請罪之以問王王對曰兵違將令干法當誅然陛下去歲已釋其罪今復行之又方屯諸路非時代易臣恐衆心疑懼乃止景德中契丹直抵澶州真宗駐蹕帝城時王欽若勸上幸金陵宰相寇準不可出遇王曰太尉受國厚恩今日有以報乎王曰願効死同入立庭下準曰陛下不以臣言爲然請問瓊王即奏曰寇準言是上乃進次澶州至南城望見契丹軍勢甚盛衆請駐蹕王復偕準固請曰陛下不過河則人心益危非所以取威決勝也且王超領勁兵屯

中山以扼其吭李繼隆石保吉分大陣以扼其左右肘陛下第親往以督其成耳何疑而不進即麾衛士進輦上遂渡河接戰斬獲大半契丹乞盟明年以罷兵科簡兵卒諸班直十年者出補軍校年老者退爲本班剩員王進曰此非激勸之道宿衛豈不勞乎自是八年者得叙補焉馬軍都校葛霸權步軍司會以疾在告令王兼領二司王從容上言曰臣衰老倘又有犬馬之疾則須一將總此二職臣事先朝時侍衛都虞候以上常至十員職位相亞易於遷改且使軍伍熟其名望邊藩緩急



亦可遷用上深然之未幾以久疾求解兵柄授檢校太尉忠武軍節度三年冬疾甚上欲親臨問之宰相王欽若不可乃止十二月戊寅卒年七十二贈侍中嘉祐八年王曾孫女進冊為皇后神宗嗣位累贈衛王謚武烈又勅宰相王珪撰決策靖難顯忠基慶之碑頌王之遺休焉王娶李氏追封魏國夫人繼亦李氏追封楚國夫人王曉達軍政善訓諸子繼勳繼忠繼和繼倫繼密繼宣繼隆繼元繼荀繼豐繼昌皆登朝籍繼勳繼宣最知名為尤貴云

康穆武王

附眉州防禦公。節度畱後公。樞密直學士公。普安郡王。咸寧郡王。

新興郡王。

太傅忠節公。

王諱繼勳字紹先初補右班殿直儀狀頗偉太宗見而異之召問其家世以武烈王子對擢寄班祇候累遷內殿崇班咸平初王均據益州以崇儀副使為益州兵馬都監提舉西川諸州軍巡檢公事招安使雷有終以兵五百授王攻東郭二門會賊攻彌牟砦王引兵轉鬪至嘉州敗之獲黃繖金塗鎗以還有終益以勁兵復進攻二門克之乃建幟城上諸將知城拔有終乃引軍薄天



長門賊復來拒戰會日暮有終欲少休王曰賊窘矣急擊之無失也率十數騎鏖戰身被數創血濡甲馬死更馬以進會入內都知秦翰來援賊退保子城不敢出王潛知賊欲夜遁開圍使得潰去均卒敗滅以功遷崇儀使賊餘黨保山藪中時出剽劫乃徙綿漢劍川路都巡檢使王募惡少年偵賊動靜窮躡巖穴掩其不備悉擒殺之又徙陝路鈐轄還朝遷洛苑使并代州鈐轄徙屯岢嵐軍契丹聚兵五萬屯草城川王登高望之謂軍使賈琮曰彼衆而陣不整將無人也我軍雖少可以奇取

勝先伏兵山下敵見我弱必急攻我我誘之南走爾起乘之當大潰轉戰至寒光嶺伏發契丹果敗相蹂躪死者萬餘人獲馬牛橐駝甚衆遷殿前庫使賜金帶錦袍領榮州刺史徙麟府州鈐轄時屯兵河外饋運不屬王扼兔毛川援送軍食師乃濟徙知環州又徙瀛州時歲饑募富人出粟以給貧者明年大稔木生連理者四郡人上治狀請畱遷內藏庫使以宮苑使奉使契丹還知定州遷西上閣門使昭州團練使徙鄜延路鈐轄坐市馬虧價失官已而復爲西上閣門使榮州刺史知冀州



領果州團練使徙貝州復知瀛州仁宗即位改東上閤  
門使真授隴州團練使知雄州其冬契丹獵燕薊候卒  
報有兵入鈔邊州皆警王曰契丹歲賴漢金繒何敢損  
盟好耶居自若已乃知渤海人叛契丹行剽兩界也擢  
捧日天武四廂都指揮使連州防禦使又知瀛州歷步  
軍馬軍殿前都虞候步軍副都指揮使邕州觀察使涇  
原路副都總管兼知渭州入宿衛出爲天雄軍都總管  
願復護邊旣而留不遣後爲真定府定州路都總管改  
威武軍節度觀察畱後遂拜保順軍節度使馬軍副都

指揮使恭謝禮成徙昭信軍節度使爲莊獻明肅太后  
山陵莊懿太后園陵都總管以老病乞骸骨召見便殿  
許一子扶掖俾勿拜聽辭管軍授建雄軍節度使知滑  
州河水暴溢齧堤岸王雖老躬自督役露坐河上暮夜  
猶不輟水乃殺怒滑人德之卒年七十八輟視朝一日  
贈太尉王性謙有機畧善撫御士卒臨戰輒勝在蜀有  
威名號神將王娶康氏康國夫人繼娶郭氏陳國夫人  
王氏周國夫人子遵度遵範遵甫遵約遵憲遵揖嘉祐  
八年遵甫女正位皇后神宗即位冊皇太后累贈王太



師尚書令兼中書令追封康王謚穆武熙寧九年詔宰  
相王珪爲神道碑御篆碑首曰克勤敏功鍾慶之碑遵  
甫初任北作坊副使熙寧中贈太師尚書令兼中書令  
追封楚王○着州防禦公諱繼宣字舜舉幼善騎射頗  
工筆札知讀書以恩補西頭供奉官惠民河巡督漕船  
會歲饑多盜兼沿河巡簡捉賊遷閤門祗候邠州兵馬  
都監曹瑋守邠數與言兵薦其可用乾興初以內殿崇  
班爲益州都監蜀人富侈元夕大張燈知府薛奎戒以  
備盜公籍惡年飲犒之使夜中潛誌盜背明日皆獲歷

磁相邢洺都巡簡使知安肅軍徙保州累遷禮賓使益  
州路兵馬鈐轄還爲西上閤門使涇原路鈐轄兼安撫  
使知渭州遷四方館使昭州刺史知雄州初元昊反聲  
言侵關隴公獨備麟府未幾羗兵果入寇河外陷豐州  
擢捧日天武四廂都指揮使恩州團練使知并州俄寇  
麟府公帥兵營陵井抵天門關是夕大雨及河師半濟  
黑凌暴合師不得進乃具牲酒爲文以禱已而凌解師  
濟進屯府谷間遣勇士夜亂賊營又募黥配廂軍得二  
千餘人號清邊軍命偏將王凱主之軍次三松嶺賊數



萬衆圍之清邊軍奮起斬首千餘級其相躡藉死者不可勝計築寧遠砦相視地脉鑿石出泉已而城五砦遷眉州防禦使卒勲業未竟時論惜之○節度畱後公諱遵裕字公綽武烈王孫少有材畧以父任累遷供備庫副使鎮戎軍駐泊都監夏人寇大順城諒祚中矢遁會英宗晏駕遣公告哀抵宥州下宮夏人遣王盥受命以吉服至公切責之遂易服既而具食上宮語及大順城事盥曰剽掠輩耳公曰若主寇邊扶傷而遁斯言非妄邪夏人以為辱亟遣人代對終食不敢發口輒忿怒曰

王人蔑視下國敝邑雖小控弦十數萬亦能躬執橐鞬與君周旋公瞋目曰主上天縱神武毋肆狂蹶以干誅夷時諒祚覘于屏間搖手使止神宗聞而嘉之擢知保安軍橫山豪欲向化帝使公諭种諤圖之諤遂取綏州帥怒諤擅發兵欲正軍法諤懼稱得密旨于公故諤被罪公亦降為乾州都監遷通事舍人主管西路羗部駐古渭砦分所部羗兵為三等教以軍法熙寧初朝廷用王韶復洮隴命為秦鳳路沿邊安撫以公副之尋以古渭為通遠軍命知軍事明年持附順羗部圖籍及繪青



唐武勝形勢入獻擢引進副使帶御器械俾歸治師師次慶平堡夜行晨至野人關羗人旅拒引親兵一鼓破之進營武勝城下羗衆逃去遂據其城詔建爲鎮洮軍又命知軍事尋以熙河洮岷遠通爲一路進西上閣門使榮州刺史充總管復知通遠軍明年韶欲取河州公曰古渭舉事先建堡砦以次而進故一舉拔武勝今兵與糧未備一旦越數舍圖人之地使彼阻要害我軍進退無所矣韶與李憲笑曰君何遠相異邪檄使守臨洮韶攻河州果不克帝善公議令專管洮岷疊巖未欵附

者公以逾龍珂地有鹽井遂築鹽川砦瞎吳叱率諸羗脅青唐欲擾邊詔遣張王攻討公曰青唐無罪第爲生羗所脅耳遣裨將與龍珂率衆禦之青唐人見龍珂泣訴瞎吳叱知不附已潰去從韶取岷州下之令士衆曰生獲老幼與得級同全活者以數萬捷聞加岷州刺史明年羗乘景思立之敗圍河岷二州道路不通者幾月或請退保公曰敢議此者斬岷城軍缺守者恐公登西門命將縱擊別選精騎由南門譟而出合擊之羗敗走時朝廷以岷城遠難守議棄之詔至賊已潰矣以功進



海寧縣志卷之四  
三  
團練使神龍衛都指揮使知熙州坐薦張穆之爲轉運使而穆之有罪罷知潁州未幾徙慶州又坐事黜知淮陽軍元豐四年復知慶州詔與諸路大舉伐夏潰歸貶郢州團練副使哲宗即位復右屯衛將軍主管中嶽廟卒年六十贈永州團練使紹聖中崇贈奉國軍節度觀察留後○樞密直學士公諱遵惠字子育觀察留後公從弟也以廕爲供奉官熙寧中試經義中選授大理評事歷三班院主簿軍器丞元祐初上疏言法度之張事有當否如先帝所施設未可輕議擢太僕少卿上太府

卿出知河中府改河北路都轉運使未行拜工部侍郎以集賢殿修撰知鄆州河南潁昌府加寶文閣待制知成德軍召爲戶部侍郎以龍圖閣學士知慶州卒年五十八贈樞密直學士方宣仁后臨朝繩簡族人一以法度乃舉家事付公公躬表率之人無間言亦能遠嫌自保故不罹紹聖之禍○普安郡王諱士林字才卿楚王遵甫之子累官內殿崇班殿直英宗書謹守法律四字誨之曰能此則爲良吏矣每欲進擢后屢辭輒止喜儒學涉閭經史通大義尤有巧智嘗監揚州召伯牐稅木



舊用火印公改刃其印文鑿以爲識尤簡便傍郡皆效  
焉卒贈德州刺史神宗立加贈昭德軍節度使紹興初  
追封普安郡王○咸寧郡王諱公繪少以貴戚出入宮  
禁英宗嘉其寅畏寵愛尤甚特授南院使元豐八年神  
宗不豫蔡確邢恕成謀使恕密語王兄弟曰家有白桃  
著華道書言可療上疾邀與歸視之至則執其手曰丞  
相令布腹心上疾不可諱延安冲幼宜早有定論雍曹  
皆賢王也王驚曰此何言君欲禍吾家耶亟趨出恕計  
不行反宣言太后屬意雍王與王珪表裏導確約珪入

問疾陽鈞致珪語使知開封府蔡京伏劍士于外須珪  
小持異則執而誅之既而珪言上自有子定議立延安  
恕益無所施猶自謂有定策功傳播其語哲宗立恕又  
爲王具奏乞尊崇朱太妃爲高氏異日計太后詰之曰  
誰爲此者王不敢隱以恕對且上其藁遂黜恕知隨州  
王懇請補外出爲邠寧環慶路經畧使判邠州轉保信  
軍節度使卒贈太師及章惇蔡卞得政引恕累遷至御  
史中丞時太后已崩恕處風憲遂誣太后有廢立謀引  
司馬光言北齊婁后宣訓事誅觀察畱後公遵裕之子



士京追訟其父在日其兄士充來謀立雍王其父非之  
怒又多方誣造竟與同文館之獄鍛鍊無所得皇太后  
太妃力辦其誣事乃已至高宗時暴悖卞恕罪褒錄高  
氏追封王爲咸寧郡王○新興郡王諱公紀字君正普  
安郡王士林子歷閤門祗候通事舍人累進寧州刺史  
團練使永州防禦使集慶畱後性儉約珍異聲伎無所  
好奉祿多以給諸族得任子恩均及孤遠持宣仁后喪  
未終卒贈威德軍節度使諡曰懷僖紹興初追封新興  
郡王○太傅公諱世則字仲貽懷僖王子幼以恩補左

班殿直至內殿崇班復用父遺表恩爲閤門祗候後除  
親衛郎以通經典轉內殿承制累遷康州防禦使知西  
上閤門事宣和末金泛使至徽宗命公掌客公記問該  
洽應對有據帝聞悅之自是掌客多命公金人軍城下  
又命公使其軍還進秩二等遷知東上閤門使金遣燕  
人吳孝民請和孝民邀宰執親王詣軍前議事高宗在  
康邸請行是日公入對遂除計議副使以從康王復使  
河北公改華州觀察使充叅議官召對賜金帶當高宗  
艱難中公嘗在左右寢處不少離大元帥府建改元帥



海寧陳氏家譜 卷之四  
府叅議官因請布檄諸路以定人心進遙郡承宣使不  
拜高宗承制轉越州觀察使及即位除保靖軍承宣使  
提舉萬壽觀詔令編類元帥府事迹付史館名爲樞密  
都承旨兼提舉京畿監牧再提舉萬壽觀公居温州帝  
遣中使諭守臣以時給俸祿凡積二萬緡因請以裨郡  
費常病瘍艱于據鞍又以舊所御肩輿賜焉帝每念宣  
仁聖烈皇后保佑三朝中遭誣詆外家班秩無顯者制  
以爲威德軍節度使充萬壽觀使進開府儀同三司奉  
朝請賜第臨安除景靈宮使兼判温州尋以病丐罷後

爲萬壽觀使十四年召入覲進少保懇求還卒年六十  
五贈太傅賜田三十頃謚曰忠節







海寧陳氏家譜 卷之四  
和中有司舉公八行渾全六經惟最迭詔召公補置校  
文籍局從官靖康二年隨高宗南遷轉秘閣修撰高宗  
處艱難中公時侍左右高宗顧公曰內則卿朝夕侍朕  
外則爾弟世則等戮力疆圉可謂兩得之矣公頓首謝  
公卒年七十二詔賜墓杭之葛嶺談家山特謚文端朝  
野榮其異數子選紹興甲戌進士推官文章政事能世  
其家焉

宋菊澗處士公

公諱翥字衍孫祖文端公諱世英父進士公諱選公生  
而穎拔九歲能詩頃刻立就及長博極羣書通孫吳兵  
法自以宋室懿親憤疆宇日蹙嘗欲結客取中原之地  
喜讀劉琨祖逖傳每酒酣輒取朗誦誦已慟哭哭已復  
飲既而屢試不偶且察朝廷殊無恢復意乃歎曰吾固  
謏謏然欲一效死沙場不可得豈非天歟于是遂絕意  
事功命所居曰信天惟日以詩自娛時王文璞林君復  
皆以詩名動江東公嘗遊此兩人間各務出奇相勝每



海寧陳氏家譜 卷四  
得一雋句槌案大呼吳山風景爲之肅然公論詩精到  
當代罕出其右其報君復書畧曰旦奉明教量材而進  
成家而止時代高下無庸論較斯言美矣未盡善也夫  
古以漢魏爲至律必開元以前材有不逮可勉而至志  
之所畫終焉而已使蘇李苟安必效瓦缶之奏孟賈易  
轍立發洪鐘之響然匹心難工學步滋醜時賢崇尚杜  
詩句紬字繹神理索然竊欲法其弘深滌彼拙率推之  
漢魏莫不皆然若夫天寶而還五季而上但堪代燭云  
爾公既肆志聲詩屏居高卧益以氣自負孝宗朝累徵

不起乃即所居賜號菊澗處士仍手書賚之公季年愛  
巖門山水與子鄉進士道隆俱遷焉尋卒葬杭之葛嶺  
談家山所著有菊澗集二十卷今佚

贊曰公巖居川觀未嘗有旦夕之遇然觀其感激颺起  
其志豈須臾忘王室者哉雄邁之氣發爲聲詩持論不  
屑一切然則格律已峻于宋矣何必高仲武諸公也



公諱諒南江公諱泗之長子也故家仁和黃山少從南  
 江公肄業海寧東里狀貌英偉讀書敏悟絕人陳公明  
 誼無子見而異之欲妻以女南江公卜之龜拆占者曰  
 不必問休咎矣南江公投之於河有老漁攫而視之曰  
 此大吉之兆也拆文瀾布具太極圖形太極萬物之祖

海寧陳氏家譜卷第十五

十世孫元龍編

十一世孫邦直增訂

大傳二

第一世遷祖處士東園公

公諱諒南江公諱泗之長子也故家仁和黃山少從南  
 江公肄業海寧東里狀貌英偉讀書敏悟絕人陳公明  
 誼無子見而異之欲妻以女南江公卜之龜拆占者曰  
 不必問休咎矣南江公投之於河有老漁攫而視之曰  
 此大吉之兆也拆文瀾布具太極圖形太極萬物之祖



海寧陳氏家譜 卷五  
是謂一姓肇始莫之與京光遠有耀異域鍾英君其識  
之南江公知非凡人問其名居不告而退南江公歸遂  
委禽焉逮長就婚明誼公悉以其貲予公生月軒公榮  
而蒙其姓公以先世仕宋累受宋厚恩故命其里橋曰  
趙家橋子孫聚族衡宇數里相望迄今三吳推右族必  
曰趙家橋陳氏有自來矣公高曾以來皆博學負才畧  
然世世隱林壑著詩文自娛公生於元末爲時推重或  
勸之仕公笑而不荅及張士誠據三吳盡有浙西之地  
公益自秘匿橫經負耒以勤儉寬仁退讓重于鄉嘗曰

吾累世種德後必有興者何必於吾身親見之哉然其  
冲和恬淡自天性然初非爲獲福地念受知外父遺命  
共域而葬葬地雖小而縈紆蜿蜒沙水渾成與漁者占  
卜之言符

贊曰公自黃山來叶鳳鳴之占食墨于茲保世滋大殆  
天牖其衷非人力所能爲也然克踵先人隱德執節彌  
篤龔薛之門肫乎忠孝矣耕讀儉勤創業垂統雖曰天  
命豈非人事哉子孫繩繩不顯亦世宜矣



第四世康定先生賓暘公

公諱晃字宗暘父樂耕公諱亮有隱德生公多異兆兒時嬉于門有相者過而異之曰是兒貴極人臣旣而諦視之笑曰神骨厚重而豐下不於其身然子孫千百其福過台鼎遠矣公少失怙恃能自立經史過目不忘性爽豁不屑屑名利嘗言居有良田美池竹樹交蔭左圖右史逍遙其中視老逢掖槁項場屋孰愈哉遂隱不出惟以作善爲事公家世饒于財里人多從公假貸歲終嘗折券隣黨婚嫁生死莫不仰公人人饜其欲公坦夷



敦睦一鄉化之有親族相訐於邑者既終訟歎曰坐法不足恨何面目見陳先生乎季年德望彌著時孝宗久道之後長吏多古風卜鄉射賓競以得人相高公歲爲上賓邑人無老少見公至輒喜色相告陳先生無恙也正德辛巳卒年七十九戚友私謚曰康定先生配魯氏淑慎勤儉有樛木之德撫諸子如一體公五子皆克肖魁經緒最賢別有傳

贊曰古隱君子多爲德於鄉尚矣然漢王管而下代不數人何寥寥也隱約之士非有勢位足以奔走當世中心悅服豈偶然哉聞之宗老賓暘公弘曠不好名顧婦孺莫不知陳先生之德語曰積善餘慶世人貽子孫者田宅玩好公所貽何如也



第五世賜爵養閒公

公諱魁字士元賓暘公長子也性倜儻有大志家故素封公慨然曰是不足以貽子孫昔先祖東園公嘗言後必有興者今其時矣乃博求名師傅訓子若弟受易于四明僉憲黃公而身督之夜必正衣冠危坐課子弟誦讀過丙夜以爲常其奉師傅隆禮無所不至季弟緒長子中益以明經進仲子中孚叔子中節先後舉于鄉子孫列鬻序者數十人人以爲尊師敬傅之報尤好周人之急隣里待以舉火者甚衆卒年八十四七子多賢俊



有聲  
贊曰教子弟者不期於貴期於賢然詩書所頌述淑人君子必及其後裔之榮盛何以稱焉語曰羽毛不豐滿者不可以高飛士苟欲竟先人之志非致身青雲其道無由吾宗詩書之澤公實肇之今子孫蒸蒸譽髦視餘支蕃衍數倍不亦宜乎

第五世懿節先生南竹公

公諱經字士綸康定先生第三子也生而素封顧喜誦讀工詩及書幼從仲學爲儒伯兄獨任家秉公故多病父未之奇年十三會伯兄當部邑賦公察伯兄有難色慨然請行諸同曹率倚之事卒辦父自此多公及長伯兄遣公爲掾公不屑也謀諸配王孺人王孺人曰孝悌力田修弟子以經術足君事矣于是築室而耕家益饒益耽文章公性孝友仲數以豪舉陷文網率盡力借交解之故韓太史應龍授經里中好飲乏絕公贈太史重



賁太史固辭異日無能爲淮陰報公謝曰先生天下士何報也及太史貴終身不復與通歲饑諸惡少聚族而剽公面數之惡少手劍而前將犯公公目攝之曰若等能殺乃公耶惡少皆反走旦日蒲伏公家公笑厚給錢謝罷諸惡少公晚更不問家產旁習形占星歷百家之言客以善詩善書善形占星歷至者無不盡歡饜志而去縣大夫高公之義則以鄉射賓之公匿田間卒謝不往縣大夫上所部授章服於家公始一服謝縣大夫終不再御里人有好遠賈者乞公題挾彈圖因諷之曰從

來黃雀無多味莫把金丸錯放空里人得詩沒齒不復出季年卜兆泮江之曲語家人曰後此十年歲月日時皆集癸亥即樹墓封乃公矣未卒前以期示家人悉出篋笥分與諸親故戒曰明發不可不早來質明皆會屏嬪女時孫太常公年十歲大叅公年九歲召入執其手曰吾宗自始遷迄吾世世力善宜必昌且諸子後先登賢書已有徵矣昌吾後者其在爾曹言終正衣冠而瞑年七十二戚友私謚曰懿節先生後十年封墓如期配王孺人勤儉克相後公二十餘年卒年九十三子二中



海寧陳氏家譜 卷五  
漸中濟皆先王孺人卒然王孺人卒時太常公已冠南宮大叅公舉于鄉如公言

贊曰公恂恂孝謹敦于脊令之誼所稱篤行君子非耶及其拯賢士之困揮斥橫逆又何俠也古人有言明德不當世其後必有達人公操左券審矣或曰泮江之兆實昌厥後其然豈其然乎

第五世廣文蕙溪公

公諱緒字士延康定先生賓場公第五子也生而穎異受書于伯兄養閒公與諸從子相切磋皆特達競爽公資性尤高每試輒冠諸生文宗奇其才攜之他邑襍試之輒復冠他邑諸生藝林莫不推服公性簡質恬靜退然若不勝衣而腹笥富甚凡淑公緒餘者莫不爲名士然公僅以明經官固始訓導誨諸生如子弟諸生敬而愛之公事母張至孝雖家貧力供甘旨迨之官間關千里迎養俄而公病沒彌留時邑大夫來問所欲言公張



目無語固問之公曰吾一母不能養幸勿以賻賵溝瀆  
我重我不孝之罪即死瞑矣邑大夫歎息出涕喪歸搢  
紳及諸生攀轅號慟者數百人  
贊曰公孝友性成與南竹公情好尤篤南竹公品行爲  
吾宗白眉然訓子弟必以公爲矜式豈非至性有大過  
人者哉誦彌畱數言涕洟千古至死猶矢清白以無辱  
吾親可謂孝之極則矣

第六世廣文梅岡公

附第二子  
鳴梧公

公諱中益字守裕賜爵養閒公之長子也敏惠慷直少  
有遠志博學工詩古文日纒纒數千言尤邃理學以存  
心養性爲主遷祖以來養閒公實始倡學教諸子弟而  
公才最盛年最長銳然以古人自期率先羣季雖諸父  
中如蕙溪公亦後公生而師法公於是公之仲季若雙  
渠公鳳岡公洎從弟冽泉公並學成而仕有名妹壻京  
兆近川查公自幼執經亦淑公學居多門墻之內薰其  
德而鵲起者比比也顧公僅以歲進士司訓吳江卒於



海寧陳氏家譜 卷五 大傳二 九  
官年五十有四天豈厚於其昆弟及門而嗇於其躬耶  
抑培風息翮以俟其後人也詩不云乎君子有穀詒孫  
子公殆詒之穀者也記又不云乎耆欲將至有開必先  
公殆開之先者也自時厥後絃誦徧于里簪紱接於朝  
紹翰墨之勲而食詩書之報寢以長矣其敢忘所自哉  
○第二子鳴梧公諱公廷字曰臚邑庠生疎財任俠喜  
豪飲飲輒數斗蒸餼折俎俱兼數人之量二三同志酬  
酢無虛日不事家人生產時又苦役累于是先世之重  
產欲盡去之以爲便聞有售即喜雖有售矣而少紓緩

即愠以故未中年而生計日感公會不以屑意也文章  
詞辨睥睨一時赴省試隨一僕值郡守公出辟人攝之  
而去公謁見請釋貌故豐偉假同舍生冠服殊偏仄也  
守疑其非諸生命題使賦詩公應聲賦之令更賦復疊  
韻一章守乃釋僕公徐拱揖願大府亦有以教之也守  
出不意勉和數言公駁正數字守謝教其諸不羈如此



第六世孝廉雙渠公

公諱中孚字守信賜爵養閒公仲子少時與兄司訓梅岡公弟霍邱令鳳岡公同受經於四明僉憲黃公公資少遜益自刻勵藝苑文壇終以難兄弟互相雄長賜爵公目諸子問黃公曰吾先世勲在宋室垂於竹帛自素齋公淳熙舉鄉進士後皆隱淪不仕遷祖東園公言後必有興者迄今又百年矣若曹果能振起否乎黃公曰三子皆雋才若仲君尤先著鞭耳既而補博士弟子員果拔前茅正德癸酉登賢書又數年而後司訓公舉明



經又數年而後霍邱公膺鄉薦蓋公銳志兼人不域于  
資迥邁等夷黃公之品鑒固有在也公孝友性成事二  
人能先意承志兄弟相切劘合志同道教育異母弟不  
遺餘力與人交無賢不肖咸厚遇之未嘗見喜愠之色  
舉孝廉後絕不干郡邑間以公事出望見邑門猶面頰  
赳赳也未及強仕而卒宗黨惋惜以公與霍邱公肇始  
科第衆議奉主祔遷祖祠

第六世霍山縣令冽泉公

公諱中復字守初柳庄公長子也性方正喜讀書至夜  
分不休十六補弟子員二十餼於庠未幾以選貢入南  
宮時世廟初張文忠當國請選天下士詔藩司署榜宴  
宣使堂歌鹿鳴一如賢科諸士無不欣欣豔之公不色  
喜終考妣喪謁選得績溪丞識者無不驚惋公不色慍  
丞轄糧故有餘潤公却不受攝令尤廉邑暈額峻險行  
道積苦之公塹山堙谷治孔道數十里鑿井樹亭三憇  
暍者績溪人德之已遷霍山知縣霍山故無城公至立



請所司城之悉出所得俸助畚鍤尋水圯復請甃石堤障之工竣寇至老幼歎且泣曰無城吾屬無噍類矣何論府藏也後寇獲則盡出其脅從枉者全活甚衆居三年常祿外不取民一蔬專惠養百姓然執法守正六安有訟當路意有所右公持之屹不爲動會妹壻查近川文選遺公書謂公苟有以注子公即被旌異徵則尚書郎不難也公變色曰一尚書郎能榮我耶遂致仕歸前甃堤餘四五十金或勸之攜去公笑不應及家食貧甚不肯一束帶入邑任賦役長至賣田償里人逋賦季

年所居火至無胡床可坐客日披經史自如公畜諸子諸從子嚴雖盛暑不冠不見見即稱述古今孝謹事無他語公去霍山二十年而當神宗之三年霍山士大夫三老子弟千百人胝足搏顙請御史臺御史中丞臺祀公名宦祠廼績溪又先祀之若干年矣廬州府誌名宦以公爲第一

贊曰國初里選士多至大官爲名臣嘉靖初秉國者修復舊章公膺選歷兩邑觀其興大利捍大患廉而仁方而有容求之制科之士豈數數哉及其謝姻婭之援幡



然勇退古烈士何讓焉若去官二十年兩邑乃競俎豆  
視輓近膺仕去而所部碑且祀之以貢諛者相去遠矣

第六世贈吏科給事中風山公

公諱中漸字守進南竹公長子也生六七歲以穎異稱  
及長博極羣籍爲春秋名家雖兄弟二三孝廉其治經  
皆自以爲不如也五就有司五不利意氣自若最後聞  
母王夫人病遽棄有司歸一日徒步百六十里夜半侍  
藥其至性皆類此時南竹公既謝家秉修農圃之樂公  
事事先意承志比執南竹公喪戚易中禮宗黨莫不賢  
之公性弘獎好施予人若棄人予之若污所貸予嘗折  
券不責償市有田父持贖金行哭甚哀公知爲里賸所



海寧陳氏家譜 卷五  
欺探懷中金如數與之有丁氏鬻產既受價徒矣復據  
之公憐其貧更授價復割予他產如此者三西隣陳某  
貧負囂訟訟田輒連公公輒餞穀濟之不校也韓太史  
應龍卒而其夫人齎錢幣抵公曰夫子嘗負債若翁請  
以此償公曰先人以布衣交韓公韓公亡不能有以存  
也乃致責逋使先人爲德不卒耶卻不受同并有相仇  
者起大獄枉一女子女子欲刎頸見志公挺身白御史  
分明之兩家隙亦解交謝公卒不肯嘗兩家酒食公豐  
頤美髯神致高曠既屢不第更內外諸喪感生世之不

常時時召酒人相與悲歌豪飲飲至石許不醉即醉一  
交睫即醒可復飲家故饒于財以好施日益落然自喜  
益甚會歲大旱郡邑禱皆不應公曰吾聞諸董生求雨  
縱諸陰閉諸陽令方士篤行之聚族數十人露禱七日  
夜雨澍應方三十里皆大稔所全活不可勝計公百爾  
落拓獨篤於大節教子弟嚴甚南竹公彌畱時嘗語太  
常大叅兩公曰年月日時皆集癸亥當葬我而父善飲  
若曹謹識之公感此言平日輒飲百餘觴至癸亥經歲  
口不識杯鐺公早歲未有子嘗夢有人告之曰歲在龍



海寧陳氏家譜 卷三  
蛇君當有子已太常公兄弟果應之又連舉二子公顏  
益開觴詠益無虛日後丙夜飲隣家中風絕一日夜而  
蘓又三年竟以前疾卒年五十五公歿前數年家嘗中  
倭舉火熟其舍俄反風滅火再舉再滅卒自熟其鬚而  
止人以為德門之報及萬歷己亥當事祀公鄉賢是日  
祠柱生紫芝大如盞光彩溢目人尤異焉

贊曰高為陳氏世擁陶頓之業及公之身好行其德幾  
亡室矣卒之取償于天何其厚也宗老嘗為祖苞言公  
揮千金如土苴有施于人輒忘之殆其天性然耶逍遙

樂道富貴于公浮雲爾必謂公陰行善者非真知公者  
也



第七世學正漢南公

公諱愈嘉字曰猷霍山令冽泉公之仲子也生有異質博涉經史弱冠遊庠試輒高等以首拔食餼文聲藉甚四方爭延致之同社及門各聯翩雋去而公獨數竒以歲貢謁選官嘉善訓導歷山陰教諭徐州學正先是冽泉公令霍山廉絕一絲歸復傾家爲里人償逋賦家日落公怡然誦讀不事生產居冽泉公喪哀戚如禮凡喪葬徭役皆破產獨支所得脩脯更分贍兄弟極好施予卽瓶粟貸金見人之急便忘己之急自爲秀才時然矣



常患師道靡靡以振刷士氣爲已任遠近之士多從之者率以方嚴較藝必直攻其失故及門如奉常蔡虛臺公久愈感慕既任學校慨然曰雖卑官官以人重淑諸生以文行嚴去取別是非嘗器嘉善魏公廓園魏遭誣枉公雪之魏卒以忠節顯三學諸生蒙知戴德者生不交利解組家居十八年而卒生平尤峻直重氣節嘗論士首鼠不敢持論即文藝爛然何益意所不可百口不能奪即遇貴顯不作囁嚅態秉鐸時諸生有不平輒據理分擘關風教者必直白上官上官亦心服其果毅然

性豁達不念舊惡不設成見喜飲歲時伏臘聚子姓歡譙酒酣微笑稱古醉鄉諸人皆有託而逃吾雖偃蹇但境遇隨觸即消非借酒杯以澆塊壘者爾曹勿漫作酒人觀也



第七世太常隅陽公

公諱與郊字廣野贈吏科給事中風山公長子也嘉隆間文章家有七才子萬歷初七才子相繼卒獨王元美先生在最重公及李太史本寧兩公復相與為文章交故公居諫院時嘗上書薦元美公卒而本寧為序其集志墓焉公隆慶丁卯以春秋舉于鄉萬歷甲戌會試擢第四人除河間府推官其冬以當室奔王母王孺人喪復除順德府時執政方綜核名實畿輔吏奉行刻深公獨寬大多所平反壬午徵拜吏科給事中首疏請召諸



海寧陳氏家譜 卷五  
諍臣趙公用賢吳公中行沈公思孝鄒公元標艾公穆  
䟽入報聞會計吏䟽禁餽遺再遷戶科右工科左是時  
上營大峪壽宮言者聚訟公累䟽折衷壽宮成上臨視  
賜公緋衣已爲禮闈同考官事竣乞致仕養母以非獨  
子不得請命冊魯世子妃假道歸省入報遷吏科都給  
事中屬大計䟽申餽遺之禁已丑復爲禮闈同考官科  
臣兩校南宮異數也公居省中八歲所言裁織造減營  
建修實政停助工及請登進陸文定陳恭介鄧文潔邢  
司馬諸䟽皆懇惻明切彷彿兩漢封事已擢翰林院提

督四譯館太常寺少卿念嚴太孺人老乞歸行三百里  
聞訃奔還居二年諸忌者構免公當公掌諫時業贈風  
山公如其官至是復以輿論祀鄉賢公喜曰無過佚前  
人足矣益閉門著述凡數萬言公性嗜學筮仕迄老如  
一日自六籍外剗心太玄潛虛好屈宋楊馬張左諸家  
賦考訂精析所爲文上下兩京六朝獨不屑作詩其藻  
思綺言播諸歌歛被管絃以自娛公慷慨敦睦建宗祠  
置祭田三黨緩急無不應西路場竈觴苦言之齟使聞  
于朝均其役他如還千戶鬻子婚所受業師子皆人所



海寧陳氏家譜 卷五  
難乃長子太學區吳公竟遭奇禍區吳公醇謹能文章  
歲乙巳硤石市駟毆捕弁死怨家嗾誣區吳公當事者  
再三讞心寃之獨以要人銜公獄不可解公僦居會城  
視子適詣客歸中道疾作遂卒公卒五年而區吳公獄  
解又六年而孫之伸舉于鄉之伸者區吳公之子爲增  
城公後者也

贊曰先民有言國家可以無文士則鳳凰不鳴于岐山  
而麒麟不至當公冠南宮長六垣黼黻清明之朝鳳翔  
阿閣猗歟盛矣晚遭坎壈其采彌章振振公姓休有烈

光何憾哉



第七世叅政虛舟公

公諱與相字卜野贈吏科給事中風山公仲子也生而  
隆穎豐下夙慧過人年十二授麟經悟天德王道相合  
即懷大志十七采藻遂成大儒風山公義方嚴孝謹備  
至父歿喪葬自致如禮色養母嚴太孺人三十年孺慕  
如一日萬歷癸酉舉于鄉丁丑成進士兩令西江寬平  
敏察廉絕一絲而於新昌多慈哺既調吉水多執持總  
以前俗瘠儉後風文腴因民施之也時權相手挽風雷  
有臺使屬公偵劉侍御陰私爲之釋憾王少宰篆起家



海寧陳氏家譜 卷五  
吉令丐公叙其政紀公兩拒之鄒公南皋以劾權遣歸  
人咸避弗與見公多方周旋乙酉徵循良第二人或勸  
少通津要公答以清風在袖第跨高骨馬投謁燕塵中  
七年冰蘖竟移刑署然益任職無害日從紙上活人先  
是太倉王文肅公惜公甲戌溢卷欲薦木天至是欲償  
公銓席皆不之應公剛介如山類如此戊子當事擬公  
典試滇粵辭改江南審決以便覲省久之晉南昌太守  
而慈訃陡驚痛不視含斂毀瘠五載始出甲午補成都  
郡屬邑三十輻共轂也公刻意師賢守趙公閱道日供

浣花溪水不知爲天府沃野焉善政非一如鎚解原封  
獄皆立決蜀有錦江清澹陳不解擔之謠而守正不阿  
則繩貴奄藩王謝過輕去就直指改容辟富囚要紳斂  
手矣戊戌擢憲川西督木六月渡瀘以兵威讐伏氐羗  
梗楠蔽江而下大工首績因有征播轉餉之調播八關  
雄峻板角爲最公自龍泉諸路輓饋飽騰立破故諸關  
以次皆下及進逼海龍囤懸崖鳥道矢石雨下公躬擐  
甲胄季夏露宿尸血間督護凡數十萬而逆酋燔滅遵  
義平越兩府所由拓置也叙功將晉三階忽外計中自



蜀寮怡然長往後部覆復秩優用欽賜二十金公居九年再憲粵西左江敷政廉平終始如一惟安南久不來庭公屢檄陳責大義搏顙應命且受琛反賂益服遠人癸丑擢貴竹大叅而二子禮闈之報亦至即日具疏乞骸雖銓司力催知交勸駕百不爲動世稱林下真有人蓋十有六年也公孝友性成待兩弟及諸從子無不義盡仁至事兄隅陽公自少至老極恭當公車之時既解其輿尸之訟及長姪區吳公之難令二子解懸以歸其蒸蒸篤摯又如此自謝成息影于旄在浚第名可得

聞坐卧一陋室書奕自娛無園亭觴飲姝豔器玩之好用是聰明不衰神凝志固生平順逆不貳天啓甲子開八表長子出叅楚藩祖苞以京兆駕部覃恩兩晉公大中大夫孫之遴又叨鄉薦公不色喜再踰年二子以次去職苞由忤璫矯逐更有意外虞公不色愠反賦詩志慶不真汪汪千頃耶公舉動必法聖賢躬行誨人一歸正學下筆淹洽古秀常言文必六經史漢詩必漢魏盛唐麟經擅家藝林宗爲不朽居恒素儉二簋緼袍而累任贖鍰盡捐修路賑濟其戚族待之婚嫁舉火者千餘



海寧陳氏家譜 卷五  
指不倦故析田甚薄遺篋掃然與人無貴賤大小咸曲  
體圓應識不識莫不仰戴也崇禎改元五月晦卒臨終  
不亂壽八十有四歿之日行道隕涕宦轍所至多祀名  
宦里中復祀鄉賢莫不謂榮哀備至焉元配吳淑人早  
卒繼王淑人相莊如賓者五十九年懿行各載外傳  
贊曰公孝謹清恬海內仰爲萬石疏傳而免視權貴芥  
視華要功名之會又何矯矯千仞也夫真儒大業惟文  
行政事以及武功而公兼之真與天壤相照矣雖然以  
德若此以位若彼天若畱以未盡者聿修無忝是不在

後人耶



第八世文學理川公

公諱侯佐字維相文學鳴梧公長子剛方嚴直居常必正衣冠不跛立不倚坐不徑不趨不談廂室不附有勢不攻發人之陰私其大致也事鳴梧公至孝鳴梧公當中落後洗腆悉籍公館俸公每假歸鳴梧公早待于衢喜動顏色輒語朋好曰吾兒歸矣必相邀痛飲極歡觀鳴梧公之娛晚景公之養志可知也績學知名邑髦俊皆出其門評隲人試卷不爽甲乙教諸子極嚴毅性理通鑑必成誦不失一字偶失即譴每試歸立使誦試藝



微失指即譴雖抱子後不假榎楚也初年治生稍稍振起恢產至七十餘畝然性度豁達晚仍蕩然無存亦不以得失介意與同邑葉孝廉潤宇同社相得葉以女字公仲子兩人者文章聲價相埒然葉自謂遜公一籌擬公必先著鞭無何葉竟發解而公屢躋葉故豐裕而公愈窘嗇至不能納一絲葉始終以兄事公館甥成禮無責言葉雖古道亦心折公有素也公廩于庠三十年試輒冠軍獨艱一第臨終以為怏怏誠子孫無墜厥緒遷祖祠基一區公所購以葬鳴梧公者宗老議建祠宇於其上遂卜葬鳴梧公于茅家浜祠成衆允奉鳴梧公主入祠從祀益叙讓地功云



第八世文學霽濤公

公諱治安字君舒學正漢南公仲子也孝友醇摯有隱德力學以不自欺為主漢南公負豪氣好遊不內顧公弱冠補諸生提管耕硯悉所入奉母既婚奩資所入亦悉供堂上以給弟妹餐不自營私少弟年漸長無以供讀公携之就館以脩脯給膳至遊庠成立皆公力也析產雖微膏腴讓以予弟表姑俞適周無子公幼育其家周姑且卒以公父叔所鬻田十二畝畀公公受券則仍以歸父叔一無所取事親先意承志漢南公即耄有所



幸侍人善萋菲作威福蠹蝕其橐殆盡公恐傷漢南公  
意一以無事處之終身色養如一日也少弟成立後其  
內舅素銜公忽因弟病謂中公毒流言播於宗黨公坦  
然自信曰吾弟必即愈竟不置辨其人唆愆兩家尊人  
兩家尊人俱斥其妄而弟果無恙與人廉讓謹恕坦白  
無城府不言躬行好讀書至老忘疲工書法晚歲以家  
事授長子常默坐內視臨終起坐語二子曰吾一生無  
欺今日泰然言畢即逍遙觀化矣

第八世贈刑部郎區吳增城二公

區吳公諱瑩原名祖臯字元常增城公諱璫原名祖夔  
字季常俱以孝友能文爲太常隅陽公克家子當時比  
之元方季方焉區吳公以廩生入太學增城公亦由博  
士弟子從兄遊雍萬歷辛卯同爲主司遴拔將署榜爲  
監試所抑區吳公遂棄舉子業以古學自淬厲增城公  
則詩酒娛情亦狂亦狷授以光祿丞不以卑官不屑就  
乙巳區吳公構硤石市駟之禍事具太常公傳未幾遭  
太常公之喪公正在犴狴間以不克視含殮號痛死而



海寧陳氏家譜 卷五  
魁者三事久獄解益絕意進取杜門教子年五十七而卒增城公痛兄遭奇厄傾家救之兄之出獄也脊令之力居多爲人醇厚真率終身未嘗以顏色忤人戚族嫻黨有請必應亦未嘗有德色詩酒之外酷好臨池晚而益精慕董宗伯作書虛衷請益華亭亦最引重公畱連于公家者踰數歲得意即伸紙真行大小藏弄於篋笥者甚夥其他什韻名蹟亦復不少所刻有玉烟堂帖數十種行世註太玄楞嚴各若干卷年六十二而卒大叅魯直公爲之後即區吳公次子也於戲兩公紹隅陽公

業英英鵲起而同尼於莘郊且兄中奇寃弟艱嗣息天道幾不可知自大叅魯直公臺省騰華克繩祖武贈兩公皆司寇郎兩公乃可以無憾鬱鬱佳城兄弟同兆而葬百年後墓道雙松交枝連理邦人以爲友于之瑞應云



卷三

三

公諱玄暉字無象大叅虛舟公長子也少有俊才舉止  
 威重博涉羣書為文章刻深秀贍萬歷己酉北闈第二  
 人癸丑以春秋擢進士第改庶吉士丙辰授翰林院編  
 修海昌故多臚仕然永樂以後鮮入詞林者至是公以  
 文學膺選時論榮之公為諸生時即工詩學外舅湯堯  
 文太史書書復工及入詞林當神廟靜攝朝廷清宴無  
 事公優游館閣益殫心翰墨恒自珍秘為詩未嘗輕示  
 人亦不肖輕為人書公在詞林十年恬於進取雖負鼎

第八世大叅倣真公

公諱玄暉字無象大叅虛舟公長子也少有俊才舉止  
 威重博涉羣書為文章刻深秀贍萬歷己酉北闈第二  
 人癸丑以春秋擢進士第改庶吉士丙辰授翰林院編  
 修海昌故多臚仕然永樂以後鮮入詞林者至是公以  
 文學膺選時論榮之公為諸生時即工詩學外舅湯堯  
 文太史書書復工及入詞林當神廟靜攝朝廷清宴無  
 事公優游館閣益殫心翰墨恒自珍秘為詩未嘗輕示  
 人亦不肖輕為人書公在詞林十年恬於進取雖負鼎



鉉之望恒移病家居築室自樂絕不一干當路故事詞  
林以次典畿省鄉試或爲禮闈同考官公亦不以爲意  
癸亥竟出爲湖廣叅政先是公構別業西湖四方諸公  
多借交于公公性高簡倦酬對或不時見即見不能爲  
甘言遜辭以是人多銜之辛酉郡城災燔千餘家有蜚  
語謂公構別業時鑿山脉所致其說迂怪不經然忌者  
竟以是擲掄公出公外藩公至官持法方正緣不習俯  
仰勞時患怔忡遂病免歸後二年戊辰丁大叅府君艱  
辛未八月就家拜山東左叅政然先一月己丁王淑人

艱矣至冬疾作遂卒所著有大風堂集若干卷藏于家  
贊曰在昔文章之彥蓋多同氣之美焉如晉二陸宋兩  
蘓噤噤和鳴龍光今古余兄弟才不逮昔而壘篋之吹  
久矣中道睽孤心骨摧裂苞何忍傳吾兄哉雖然知吾  
兄者莫苞若也遺徽日湮余安所逃罪故詮次其實云



天啓... 日... 命... 所... 其... 實... 云...  
久... 中... 直... 知... 必... 有... 其... 實... 也...  
... 曰... 古... 之... 所... 謂... 也...  
... 曰... 古... 之... 所... 謂... 也...  
... 曰... 古... 之... 所... 謂... 也...

第八世太學開明無為二公

開明公諱祖萊字湯左大叅虛舟公仲子也孝友善屬  
文少從大叅公宦遊左右奉養惟謹十八補博士弟子  
員明年婚郭汾源觀察女嗣後恒從兄太史公里居惟  
諸幼弟從大叅公遊而玄成字爾徵最少最得大叅公  
歡然大叅公課諸子嚴無不黽勉征邁開明公尤淹習  
百家言為文刻深聳牙以餘力學詩及書皆工絕年三  
十患瘵猶日研麟經與旨折衷古今成書凡百餘萬言  
已酉遊南雍為本房所錄而抑於總裁公歎曰吾兄弟



海寧陳氏家譜 卷三  
攻苦同揆知者同而兩人登鄉書吾獨僂得僂失詎無  
命存遂燔平生著作及手纂經解殫心岐黃冀以治療  
然瘵益甚無子時太史公惟獨子遂嗣弟祖苞次子之  
遲爲後及疾革遺言不及訣二親爲億萬劫不化念令  
以白衣冠斂復命以數百緡置腴田贍宗人之空乏者  
公儉德事事可法治家肅尼覲無敢入者卒年三十七  
時爾徵年十八矣別號無爲大叅公旣喪開明公殊痛  
惋而爾徵左右奉養如開明公痛稍稍釋爾徵少警敏  
亦由博士弟子遊南雍侍二人宦遊及里居蓋二十餘

年父母疾寢食皆廢藥餌非手自炮製不敢進執大叅  
公喪雞骨支牀及王淑人之變哀毀病脾卒年三十八  
遺命以田六十畝供諸祖墓祭宗族避之  
贊曰觀人者於其大若二公之孝寧不足以該百行乎  
親親所推並垂治命出腴產上供祖宗之祀下周九族  
之急吾宗百年間實鮮儷焉苞哀其志而高其行故爲  
之傳以勸來者



公諱祖苞字爾翔貴州大叅虛舟公第三子也機敏練  
 達負經濟才萬歷己酉舉于鄉癸丑與伯兄玄暉同登  
 進士第任崑山令明季網弛南俗彫敝公一意振刷行  
 丈量編審之法杜隱糧賠累之原清漏役復役之患多  
 所執法不避權貴權貴人銜之太倉缺守大吏遴公兼  
 攝摘奸翦蠹一如在崑時丙辰卓異忤秉政要人拂衣  
 去彈琴賦詩泊如也天啓甲子起永平推官領經畧轄  
 下事乙丑陞兵部職方管山海關務會有難民聶延金

第八世大中丞孝威公

附第五子  
立菴公

公諱祖苞字爾翔貴州大叅虛舟公第三子也機敏練  
 達負經濟才萬歷己酉舉于鄉癸丑與伯兄玄暉同登  
 進士第任崑山令明季網弛南俗彫敝公一意振刷行  
 丈量編審之法杜隱糧賠累之原清漏役復役之患多  
 所執法不避權貴權貴人銜之太倉缺守大吏遴公兼  
 攝摘奸翦蠹一如在崑時丙辰卓異忤秉政要人拂衣  
 去彈琴賦詩泊如也天啓甲子起永平推官領經畧轄  
 下事乙丑陞兵部職方管山海關務會有難民聶延金



海寧陳氏家譜 卷三  
者七人被執魏忠賢主東廠欲殺之以冒功嗾其黨貽  
公書文致七人者罪且陷以不次超擢公作色峻拒卒  
脫之璫怒矯旨鐫公官士民寃之則建祠關城以尸祝  
公崇正戊辰魏伏誅起公武庫旋補職方廷議以公文  
臣曉暢軍機擢憲副備兵寧前尋遷大叅時督撫任事  
多廢弛公加意整飭事悉辦丁丑再晉副憲巡撫順天  
乃訓士卒峙糗糧相形勢嚴保障平二十七州邑之賦  
役固四路十二口之斥堠及薊城被圍檄書至即躬擐  
甲胄率降丁十騎馳赴夜半潰圍入乘城固守薊賴以

全丙子冬大兵臨寧城見守備甚設罷圍而去既而兵  
臨墻子口乃制閩吳所鎮公聞即發兵馳救不及公所  
鎮仍無恙本兵與公有舊嫌至是糾公失援遂被逮恚  
憤病卒計公生平三仕三已終以方嚴忤物不理于口  
以殞其身公之居官品槩可想見已公愛士屢提攜後  
進充應天文武試同考典遼東武試督寧前學政廉明  
剛介諸所得士俱稱俊尤篤於根本敦苾九族吾宗譜  
系歲久紊缺公慨然懼先德之湮沒也蒐討纂輯著為  
成書蒸嘗教養之法小大具舉于是海寧陳氏家乘遂



大彰明較著矣於戲此亦公繼述之一端也○第五子立菴公諱之逖字稚升十三喪中丞公事母吳太夫人至孝兄素菴公謫居奉天太夫人偕往賴公左右服勤尋蒙 恩全家放還色養者又歷十年性耿介當門庭顯盛時獨蕭然一室有遺以鉅貲者峻却之與人交必誠信雖負販者弗與狎也故雖中落鄉黨獨推重公後伯子奉常公振起家聲公以盛年膺鸞封享祿養種德貽謀有自來矣好學通春秋三傳尤喜讀史循環涑水通鑑不下數十過吟咏力追盛唐有集四卷

### 第八世駕部昭華公

公諱祖訓字孝常封駕部循陽公之仲子也文行卓然進禮退義萬歷甲午舉於鄉急就祿養謁選得粵東四會縣治行有聲歷六載民立祠祀之天啓甲子陞南通州牧案無畱牘訟者不裹四日之糧有陳三升之謠崇祀名宦又五年陞南京兵部車駕司員外郎督理馬政時明季網解雖陪京重地文武廢弛公至解絃而改張之犁然就理已已擢本司郎中庚午請告終養遂杜門養重屢徵不起 國朝定鼎以後仲子殿桂司李高州



陪繡衣循行過四會見公祠宇煥新民之奉蒸嘗者罔  
懈聞司李公至爭迎道左羣歎息泣下謂賢侯有令子  
依依不能去公德入人之深如此

*(Faint bleed-through text from the reverse side of the page)*

海寧陳氏家譜卷第十六

十世孫元龍編

十一世孫邦直增訂

大傳三

第九世文學覺菴公

公諱穎伯字師孟文學理川公之第二子也少踵理川  
公家學敏幹能文游黌序有聲然貧甚嘗躬耕田四畝  
值大旱收穀擔石許盜竟胠之而去外舅葉孝廉至不  
能具衣冠假隣翁白苧衣出見孝廉為歎息然性骨耿  
介不受人憐嘗曰學者以治生為本治生以克己為先



乃可大可久之道妄取奚爲哉設館每辭多就寡布衣  
紉履早作夜思至四十而薪水粗贍至五十而室宇落  
成至六十而闢田三數頃教四子俱成雋才汜可小康  
而公力亦殫矣性宏直優裕鄉黨有小爭訟輒和解之  
有急難輒營救之雖徒行百數十里以急之弗倦也雖  
弛已刻不容緩之事以急之弗恤也端視矩步臨事從  
容鎮靜沛然若無事者故雖諸生人倚之如長城天塹  
配葉夫人擗擋釵珥親操井臼相夫成家壽登九袞有  
三具著儀法於戲勤逸儉侈家之成敗係焉鳴梧公以

還再世不競未免不節之嗟耳公劬躬者事職思其居  
承前啟後豈細故哉夫驕奢淫佚席萬鐘弗足恃也稼  
穡艱難所其無逸不階尺土何患焉如公者可以昭令  
德示子孫矣



第九世文學篤行先生

公諱之虹字陽滌號孚敬又號大滌文學霽濤公季子  
至性天成庭除以內油然藹然不自知其為孝友也幼  
即篤志讀書家事則一聽于兄出入勿問始猶專事帖  
括鉅幽鑿險以為能既喪父則痛念曰向來習科舉文  
字思取青紫逮親存而不得志命也如何我生自有天  
爵之貴歸全之孝何自隘吾志為遂慨然求心性之學  
鍵戶獨坐神明內養間為文必根極理要刊落浮詞洒  
洒乎如自道其所得久之心目間豁然開朗然竟以發

第九世文學篤行先生

公諱之虹字陽滌號孚敬又號大滌文學霽濤公季子  
至性天成庭除以內油然藹然不自知其為孝友也幼  
即篤志讀書家事則一聽于兄出入勿問始猶專事帖  
括鉅幽鑿險以為能既喪父則痛念曰向來習科舉文  
字思取青紫逮親存而不得志命也如何我生自有天  
爵之貴歸全之孝何自隘吾志為遂慨然求心性之學  
鍵戶獨坐神明內養間為文必根極理要刊落浮詞洒  
洒乎如自道其所得久之心目間豁然開朗然竟以發



憤致病漸劇會兄毅齋公歿二孤甚幼公撫之逾于所  
生析產授廩推肥就瘠從姪之便即已甚不便亦不計  
有奪姪腴產者公自傷病不能禦侮割已產償姪姪後  
成立不失業則公力也居母喪朝夕饋奠如生存雖病  
甚不假手僮婢毅齋公歿既久寡姊爲無賴族人所齧  
齧公力疾理鬻羣囂姊家卒賴以全三黨有缺失爲彌  
縫補救皆心服其恩義即奪姪產者後更親附焉公病  
三十餘年幾於辟穀兼值明季超然遺俗然未嘗一日  
廢學究儒釋朱陸之異同刪輯經史諸書詩古文辭一

歸於正評論古今商榷得失雖閒譚曲藝必推之政與  
學以爲有同源而無二致易簣前一日猶與客論學次  
早與醫論方藥從容如常時語畢端坐而瞑先是公營  
父母葬穴有水復改兆皆以兄從葬昭次自爲壽藏於  
穆至是亦從葬焉生平著述盜起亡佚惟自訂制義尚  
遺一編公未病時行散至大滌洞天輒歎學者氣稟物  
欲之累非大滌之不可故自號大滌山人旣歿士林私  
謚曰篤行先生



第九世大叅魯直公

公諱之伸原名甫申字申父贈刑部郎區吳公之次子而贈刑部郎增城公之繼子也生而穎異治麟經有聲天啟辛酉受知于錢虞山先生五上春官崇正甲戌登乙榜爲親祿仕得廣平令時四方多故征繕軍需公至訪疾苦斥奸黠省征斂民得少安息且請除四府津梁大戶之患賢聲噪三輔調繁內黃適濮州賊李雲三攻內黃公築重城十二里濬郭外壕五尺徙民入城簡健兒教以擊刺製火砲弓弩雲仰視不敢發一矢丁丑晉



上元尹上元時爲陪京首邑江黃郢蔡間寇盜充斥恃公爲金湯舊例畱都內外守備事得下畿縣如屬邑公爭之內守備氣甚張欲挫公公以祖法語之南和伯方公時爲外守備握公手謝卒改移用敵體三任親民之官皆以布惠剔奸倡興文教爲任征科用一緩二未嘗取一贖錢去之日無不涕泣攀畱戊寅以刑部主事徵時公卿宰執多櫻罪就園扉公調劑其間如黃解之獄久而得白而一時所蔓及者如南海陳子壯諸公相繼盡解大司寇以是賢公推恤刑山左多所平反破械而

出者四千餘人事竣命朝審清理十三司事奏繳二百餘案請增囚糧月十六石煤月千六百觔著爲令朝審前一日每囚給衣被或謂囚且死安用此公曰澤及枯骨况囚罪未定乎例當補京堂或勸公一謁要路可得符卿公辭之卒遷山東叅議奉母旋里中道疾作因就吳撫乞告而東省適有事垣臣以逗畱糾公公輿疾至東省對簿攷按告病月日在東省未有事前得白推補福建漳泉道不赴明年補上江糧儲道以督餉功加叅政特假監軍銜以節制諸帥丁內艱歸服闋督撫交推



公手書勸駕公以年踰六十義可懸車遂不出家居益修敦睦若未嘗貴者郡邑有大利弊必爭戚友有過必斥然事往即不留意就之如坐春風事母沈太宜人至孝易簣時公年已六十猶作孺子慕他若分俸以給弟割產以援妹壻兄弟子及親舊子之無依者使與諸子雜處教誨率賴公成名有同僚某錦衣歿遺孤應鬻貧不能上達公攜之京師得補世職然皆不自以為功生平於博奕遊戲園池花木聲伎絲竹之類一無所好惟客攜名書畫至不惜傾囊購之故所藏獨富所著有徵里巷之人皆出涕祀鄉賢宦轍所至俱祀名宦

吾隨筆記國家典故疆事紀要事物考若干卷卒之日



公諱之遴字彥昇大中丞孝威公之長子也才性英敏  
湛於經術早負公輔之望天啟甲子舉於鄉年才弱冠  
耳五上公車至崇禎丁丑捷南宮廷試第二人授翰林  
院編修編纂六曹章奏不二年而丁中丞公艱且以中  
丞公事連坐不復叙用公蒿目時艱盡傷庭禍山間水  
間甘自廢棄不復有仕進之意而一時人情冷煖路鬼  
挪揄不徒雀羅門巷已也我 世祖章皇帝龍飛御宇  
之四載搜錄遺賢名補侍讀學士未幾擢少宗伯加副

第九世少保大學士素菴公

公諱之遴字彥昇大中丞孝威公之長子也才性英敏  
湛於經術早負公輔之望天啟甲子舉於鄉年才弱冠  
耳五上公車至崇禎丁丑捷南宮廷試第二人授翰林  
院編修編纂六曹章奏不二年而丁中丞公艱且以中  
丞公事連坐不復叙用公蒿目時艱盡傷庭禍山間水  
間甘自廢棄不復有仕進之意而一時人情冷煖路鬼  
挪揄不徒雀羅門巷已也我 世祖章皇帝龍飛御宇  
之四載搜錄遺賢名補侍讀學士未幾擢少宗伯加副



海寧陳氏家譜 卷三  
八  
憲時文運肇啟公爲文以程式多士風氣一歸於正復增解額廣明經辛卯陞大宗伯加太子太保壬辰特簡內秘書院大學士廣闢言路起用諫臣時方議裁兵以紓國用公密陳調遣機宜俾無失所軍無怨讟遇廷議大事持正不阿尋出爲戶部尚書度支旁午指畫力辦西南猶宿重兵爭憂措餉公乃告之曰爲國而憂貧是加賦之漸也但恐莫能視國如家耳終吾任必不以匱乏貽公輩憂領大農二年國有餘財民無重賦入爲弘文院大學士其所薦引若李際期張秉貞崔宗泰輩

皆爲名臣初未嘗識面也公故通達國體嫻習掌故時興朝定鼎一切締造惟新起公重用因革釐定出公手者居多惜不久被謫沒於戍所行畧志乘缺焉而不傳者多矣自公盛時機敏練達一時無出公右世祖甚器重公六年而登宰輔然竟以此遭時所忌且性愛結客後門寒峻率賴公提攜交游書問往來絡繹初謫盛京旋即賜環復有泥公與中使往還者乃再謫不復返矣歿後五年聖廟謁陵徐夫人上疏乞歸骨特命家屬扶襯以還時康熙庚戌十月也公爲文淵洽



秀贍結構縝密具燕許氣格尤長於詩少壯時引繩切墨古體必漢魏律體必盛唐罔失尺寸旣而謂作者率其性情才學之所至則亦各爲其人之詩爾數章而古人之遺意錯出焉可也一章而古人之精蘊融會而出焉可也合而觀之亦漢魏亦六朝亦唐可也非漢魏非六朝非唐亦可也上德不德大道無功而況於言乎言而至于文文而至於詩賦抑末矣而斤斤矜位置爭美好是亦不可以已乎於戲以公之才之識之望蓋不  
得已而以詩傳者故其論詩如此生平夷險悲愉一寓之於詩謫後詩益多益工自題其集曰浮雲晚年曠達舒卷無心大都作如是觀也



第九世封諭德贈大宗伯簡齋公

公諱之問字令升一字近思贈大學士無為公長子明隆萬中家門科甲鼎盛公以諸生領袖貢入辟雍不以華臚為意好讀書自六經三史以下八家之集唐宋之詩丹鉛殆遍高會廣座有所徵引長篇累牘應口吟誦以架上書覆之不爽一字指摘當世名公文章咸中宵縈吳志伊作十國春秋公曰古人著書以為法戒十國人物乘時盜竊皆出下中何庸追述其行事乎錢牧齋有學集出多所改竄公訪原本細書旁註有疑牧齋之



出處者公曰沈約虞世南之集後世何嘗廢之或問綏  
寇紀畧流寇志優劣公曰兩書豈可並論顧梅村之集  
不及紀畧遠甚疑不出於梅村然舍梅村又無可相當  
者公嘗言侯朝宗王于一二子文之佳者尚不出小說  
家伎兩豈足名家其評隲當世不肯隨風附和如此公  
于書畫古奇器賞鑒無不精絕青烏素問龜卜雜術皆  
能言其理從學蕺山漳海兩先生得其傳嘗論學在天  
地有宗有翼宗之者一人翼之者數十人所謂䟽附後  
先也堯舜去人其間亦邇禹臯伊萊望散亦止畧舉以

例其餘顏曾既往董韓未興孟子以一身任仲尼之道  
之重開繼茫茫有宗有翼所謂軻死而不得其傳者已  
於篇末無有兩歎寓之蓋孟子之憂患深矣有宋絕學  
旣明至考亭而集成門徒甚盛史不勝書迄於元明胤  
續之際許姚趙竇洛學行於北金吳虞許閩學彰於南  
以逮柳黃吳宋之徒莫不推究精微張皇六藝卒開三  
百年文明之治可不謂有宗有翼之極盛者歟前明學  
脉莫盛姚江翼之者爲江右爲淮南爲東越雖復功咎  
叢生末流雜還然而敝之所生救之所始也剝之寢微



復之寢昌也吾學蓋未嘗一日絕也余攝齋戢山漳浦  
兩先生之堂兩先生之學原本考亭追溯之濂溪二程  
以達於孔孟而一時門徒未見有董裳黃幹之儔者何  
其寥寥歟公爲此言意蓋自任其深造自得傾折前賢  
絕不標奇樹幟可以想見論學非其人弗輕談止談詩  
文即詩文亦不輕作或問之曰以先生之學而爲詩文  
必傳無疑也公不應與姚江黃徵君宗義同出戢山先  
生門相友善徵君曾爲公作傳今隳括書之

第九世封詹事贈大學士容菴公

公諱之闇字始升贈大學士無爲公之季子也英姿天  
挺儀觀偉甚年十二而孤執喪如成人服闋補博士弟  
子負嘗從范文白先生游畋漁墳典繩墨聖賢而曠解  
出人頭地慷慨激昂函蓋一切能勝千里重遠之任不  
爲几席旦暮之謀卓然振拔卒如平意之所期而後快  
明季將亂公盡散其橐於貧民尋盜起謀焚劫其里羣  
詬之曰陳君善人保無焚石及玉遂罷散鄰賴以全兵  
燹之際偕陸夫人奉母夫人藏一舴艋中晝匿宵行母



海寧陳氏家譜 卷三  
夫人意不樂公入水取鮮鯽陸夫人手調而進之以佐膳承歡嘗為羣盜所脅公談笑解諭神色自若盜慚沮飲公酒公極酣而寢逮明盜竟捨去耿逆之變風鶴震驚邑人爭出城避公獨鎮靜如常順治辛卯以選拔入成均時拔貢皆授郡司李公無倖心歸踏省門屢不得志於有司公亦無愠色未幾丁母夫人艱哀毀之餘若有所感輒慨然曰世競功名因人錄錄訖無所就雖青紫弗足尚也大丈夫承累世之業流長則難竭柢深則難朽積之培之於以光前裕後善厥貽謀斯亦志之至

大而事之至難者日夕不遑克自樹立出與處奚別焉遂杜門刻勵夙夜操修教元龍輩以立品敦行謂讀書人纔以第二等自居便是庸下較課文藝亦不少寬名師益友延致家塾聽朔望一出館其家書至必留待朔望前一日方傳惟恐分讀書念後諸公登上第俱銜感曰公不唯一家嚴君亦吾輩畏友也微公之琢磨不及此康熙戊午元龍忝列賢書而仲叔兩弟相繼下世各遺一孤公復以教子者教孫迨元龍及季弟嵩先後通籍邦彥登詞苑邦懷膺鄉薦公手書屢勗致身朝宁砥



海寧陳氏家譜 卷三 十四  
礪名節為先勿以一第自域勿以半通自炫不及他語  
節縮之餘業稍稍振然自奉益薄誠子孫曰居家儉則  
居官廉公之訓誨語語可刊庭誥固未易覩縷述也性  
坦率表裏如一親友有過即正言匡救尤好施予屢免  
質庫之息歲無秋則捐賑平糶以紓窮困久而弗倦姪  
堪永夫婦孝節幾湮沒公捐貲裨其嗣籲請當事題旌  
之經紀高曾墓產既遵先王父遺命助田五十畝復擢  
節贏餘數千緡以授代者置田贍宗人澤流無窮公雖  
為善於鄉然 聖祖仁皇帝熟知公名 南巡時公兩

次迎 鑾道左 名對移時鄉邦利弊直陳無隱 上

改容禮焉 御書鳩杖龐眉四大字以賜自是賞賚無

虛歲甲申公有脾疾元龍陳情乞養蒙 賜人葭寶硯

等命捧歸以榮之又三載公以脾症復發卧起牀第者

數日吉祥而逝奏聞 天子悼焉謂東南失一耆碩遣

官致祭 知遇之隆恩禮之厚生榮歿哀至於如此公

之所期者遠而所樹立者大矣於戲公之少也有士行

之辛劬公之晚也有太邱之風範公之志量如宗元幹

公之節槩如和長輿公之家教勤同韋賢之遺經公之



門風儉若柳玼之示訓公之葆年爲龐德公之視聽不  
衰公之集福爲王晉公之植槐而卽爲萬石君之持盈  
戒滿記有之其先人有美而弗傳是不仁也元龍荷  
聖天子厚恩得乞骸骨視蔭餘年大愆先德之隕越謹  
錄其實著于簡於戲監於成憲繼序思不忘是在吾子  
孫矣

第九世司理岱清公

公諱殿桂字長生駕部昭華公仲子也賦姿穎悟嗜古  
書蒐羅忘倦清才鵠舉爲詩古文辭雲間陳卧子前輩  
一見目爲鮑謝崇正癸未舉進士授兵部主事未任歸  
養其親 國初臺使者收采人望公以杖策著勞幕府  
捍西寇拓邊數百里增戶口不下鉅萬俾東西海咸隸  
職方撫軍奇之欲以方面薦公固辭就高州府推官兼  
攝壽康篆數從直指按部持法峻而行法寬民以不寃  
當公讞却暮金者再奉令勘荒信宜歲益軍賦七百石



海寧陳氏家譜 卷之六  
有奇午酉兩闈之後先後得名士十九人聯捷者過半  
文教一時稱盛歷任數載績居上最以同官構隙吏議  
俱罷斥中丞特疏寬之得賜環歸途至番禺得疾而逝  
粵人悲之公嘗與僧澹歸唱和王司空覺斯龔宗伯鼎  
孳並爲文贈之稱文章領袖見兩公集中所著有嶺南  
浮沉草弦閣詩與袁堂文集等藏于家

第十世理學乾初先生

先生諱確字乾初原名道永字非玄文學覺菴公之季  
子也覺菴公生四子俱遊黌序有名先生弱而才父兄  
特器重之從伯兄授經鄉賢許同生先生目爲小友且  
指示子弟曰若曹雖與陳生同學不日即當師事之矣  
其見重於前輩已如此讀書不屑屑章句毅然期至於  
古之立言者尤厭薄舉業姑爲之以副塾課之望嘗受  
知學使者黎許兩公舉茂才廩於庠後遭喪亂敝屣棄  
之泊如也明季有飢法吏先生唱義聲顓當事當事庇



其人欲中先生以法先生色不為動尋太府劉公雪濤  
救免事聞輦轂當事與吏俱坐黜先生亦不色喜早年  
論學於諸儒中最喜姚江知行合一之說謂可與孟子  
道性善同功後與祝孝廉淵遊戢山先生門奉慎獨之  
教躬行實踐重規疊矩既而祝以節顯先生則歸然長  
德望於一鄉皆不愧師門心印所謂其趨一也接引後  
學娓娓不倦一時志義之士從遊日衆與兄子潮生爰  
立輩表章家學酌立族規講明宗法建遷祖祠宇宗人  
既庀其材矣其堂寢規模主祀制度一出先生釐定晚

年構地十畝有奇營葬考妣奉其三兄雁序以祔而已  
亦置生壙焉令支下子孫艱于覓地者皆可祔入先生  
蓋倣古族葬之法以為支分本一血脉相聯生則聚廬  
而處沒則共域而葬且使春秋展墓時子姓兄弟咸在  
其酌古準今法良意美皆類此詩文清真大雅寄托深  
遠其發明理學尤多心得下筆立就無纖毫障翳書法  
直逼鍾王撫琴吹簫時奏于山巔水涯篆刻博奕諸好  
無不工自奉教戢山後一切陶寫性情之技視為害道  
而屏絕之向之勇於一往遇不平而輒發者亦視為任



海寧陳氏家譜 卷之六  
氣而融釋之社集講會以為無益身心每婉辭不赴尋  
病廢幾二十年足不及中庭君子謂不異表閔之土室  
所著有大學辨禪障性解學譜葬論喪俗家約諸書其  
餘雜著不下數十萬言俱藏于家居母喪手寫孝經百  
餘冊志痛戚友爭寶藏之於戲先生為余兄而五十年  
以長余少時每見先生過從先大夫必肅衣冠迎之指  
為後生矜式今先生下世六十年矣而古貌古言髣髴  
如昨詩有之雖無老成人尚有典刑宗之人有仰老成  
而遡典刑者乎則有先生之遺文在

第十世封徵仕郎贈奉直大夫瞻山公

附長子燾  
次子熹○

麟孫

公諱會永字震孫大叅魯直公之仲子也少治春秋舉  
茂才入南雍以積分拔明經賦性純孝年十五遭母丁  
恭人之喪擗踊號痛毀瘠幾不起時大叅公作令畿南  
祖母沈太宜人在堂公居家事太宜人左右生意大叅  
得無內顧憂大叅分藩病歸被劾詣歷下質訊公侍奉  
往返一切藥餌及對簿皆一手經營大叅病獲痊事亦  
大白迨歸里後家漸中落公割已受分之產以贍諸幼



海寧陳氏家譜 卷六  
弟居繼母丁恭人喪哀戚如前治兩慈親窀穸拮据成禮洎丁大叅公艱年已踰艾猶孺慕致毀生平不事生產遇朋友戚黨之急欣助不遺餘力賓至曲盡款洽座上常滿家塾中延致名儒丙夜篝燈手自丹黃甲乙諸子文譽鵲起即諸名士被月旦者往往藉公成名康熙乙卯季弟黃永從弟齊永幼子勲同舉鄉薦丙辰齊永勲同捷禮闈公誨之曰汝輩做秀才若處子今出身事主尤宜砥礪名節勿負主知勿墜祖緒其以正訓示子孫如此辛酉秋偶得脾疾入冬漸甚卒之夕解頤欠伸

而逝頃之兩頰微紅肢體溫暖見者異之謂公神仙中人○長子燾字允大次子燾字允文克紹弓冶聲振膠庠兄弟相師友謂口耳之學不足探原本聞姚江黃梨洲徵君講學兩人渡江請益以一其指歸爲文一蹈先民矩矱邑中舉文社拔幟者不出二難燾尤雋異年十三遊括蒼適學使者按部至即與試冠一軍送寄籍焉後以渡江千餘里應試不便復舍去援例入北雍屢躋場屋愛客有父風銜杯刻燭無虛日樂易可親喜揚人善論詩力追正始晚尤嗜昌黎手爲輯注刊刻行世○



海寧陸氏家譜 卷二  
熹長子麟字履仁個儻樹立幼讀書漏三下不休母再  
三命之寢乃寢夜以爲常下筆一洒千言好遠遊結客  
千里到處有國士之日康熙戊子舉於鄉兩上春官不  
第佐粵西提帥幕賢叅軍名騰桂林象郡間且歸奉母  
命需次河干得淮安別駕板輿迎養治行有聲尋丁艱  
歸里疾卒所著有履无咎齋詩集四卷纂輯小學說約  
六卷藏于家

第十世掌垣陟齋公

公諱黃永字叔嗣大叅魯直公第三子也少穎異十四  
補博士弟子員康熙乙卯舉於鄉五試南宮不售謁選  
得楚之安仁令時奉 旨清丈田畝公裹糧減從越陌  
度阡秉公確勘豪黠無并兼良懦無賠累往來供頓不  
擾動民間八閱月而歲事頌聲載道大吏上其狀徵入  
引見邑令入覲自公始丙子分校楚闈得士吳堂等十  
五人丁丑擢刑科給事中庚辰再晉掌工科給事中居  
言路六載所言請廣額肅官方䟽銓政嚴保舉及澄清



海寧陳氏家譜 卷之六  
大計革除糧規南糧隨漕帶徵諸疏皆切中時弊剴  
詳明不亞古名臣封事悉荷允行 賜宴賜金 御書  
宸藻寵賚備極優渥一時知遇為從來掖垣所未有甲  
申春請假省墓棲息丙舍眠食草土間者踰月不知寒  
暑之中人遘疾而卒設施未竟時論惜之公仗義敦氣  
節有進士吳某窶乏遊吾寧與邑令有舊懷刺欲見舍  
人索金勿與舍人怒搆之令令弗納也公為之言于令  
令愈怫然公自為投轄欵曲臨行厚贈之其任俠豪邁  
類如此後吳念舊雨效推轂亦不忘國士之報云

第十世大司空文和公

附子  
世安

公諱鼓永字雖期號學山封少宰定菴公之長子也由  
邑庠生登順治戊子鄉薦乙未捷南宮讀書中秘召試  
輒最時相國素菴公謫居盛京封公以本生兄弟與于  
徙公上書訟冤格於吏議遂瀝血草疏願代父行有緹  
縈以一女子救父臣荷 聖朝孝治敢惜微軀之語雖  
不得請然 世祖憐其孝思而不之罪次年以城旦春  
封公得援贖還鄉國人皆謂純孝所致云庚子晉少司  
成恭遇 聖廟御極轉侍講癸卯典試西江得士稱雋



海寧陳氏家譜 卷六  
是年冬擢大司成充纂修 世宗實錄副總裁物望益隆庚戌主武會試旋陞內閣學士一日 上御閣命作大字公伏地伸紙書二帝三王治天下之大經大法十三字以進 上改容禮焉未幾少宰缺人 上惟重簡公自右轉左凡六年銓政肅清丙辰總憲西臺適閩逆初平蹂躪之後地方凋瘵公䟽請蠲全省逋賦以甦民困閩人德焉更念死事諸臣上表揚忠節一䟽 上謂其通達國體優詔答之次年晉大司空戊午丁封公艱歸里服除正擬赴闕以疾卒於家遺本上 予祭葬如

制 賜諡文和公以文章才品受 兩朝知遇自少宰歷冬卿不離講筵備顧問 上方倚重而曳履上昇時論惜之○子世安字子敬號傳岩生而卓犖四齡喜騎馬六齡愛習國書十九應京兆試中副車越二載而獲雋起家行人考選授兵垣戊辰分校禮闈旋奉 命使俄魯斯馳驅塞外萬里炎風酷日掘井而飲并日而食不敢言瘁還朝擢掌刑垣扈 蹕南巡明年觀察大名以峻直挂彈章謫徙秦中逾年蒙 恩放還不兩月有坐臺之 命又居塞外者決歲既而河督檄委南河堤



海寧陳氏家譜 卷二  
壩諸工工竣復赴北河皆著勞績辛巳始得歸田築室  
于吳門之西山上沙村以文史自娛者二十餘年一日  
無疾而逝所著有出塞紀畧二卷扈從紀畧二卷

第十世明經子長公

公諱堪永少保素菴公之季子也性至孝年十六能以  
文章中副車未幾少保公緣事謫奉天全家被遣 嚴  
旨峻切骨肉倉皇無所措公獨鎮靜謂從親塞外生死  
相依何患焉奮袂為諸子先少保公領之時公已訂婚  
於徐萬里安置分無還期竟不敢娶堂上欲為公置媵  
侍公婉辭之居九年遭少保公之喪悲來填膺終日長  
號踰半載而疾不可為從親地下年僅二十有九又四  
年蒙 恩放還得從少保公歸骨于里而徐貞娥早髻



以當門矣子孝婦貞天故艱其遇以作之耦幸歟不幸歟後數十年當事始上聞予旌復其家又公之世父耆卿公諱之邁殉中丞之難事亦相類宗人亟稱之

第十世奉常勿齋公

公諱齊永字大年封太常立菴公之長子也英敏有斷讀書穎異文極典贍道勁弱冠即食餼郡庠康熙乙卯亞魁於鄉丙辰聯捷南宮令山東臨邑經權互濟恒得法外意甫下車值蝗災即出庫鏹僱民捕之典守者以考成苦諫公曰蚱蟊蔽天闔邑民命在呼吸緩則無及典守者不能阻決旬捕蝗萬石許臨邑竟大稔公徐以羨餘補庫如額即革去之曰吾取羨以捕蝗也不則早革之矣邑快手蕭某與僱工婦姦其子怒詈蕭令往市



海寧陳氏家譜 卷二  
羅斗米伏道左以襪帶縊殺之使其母控官而嫁禍於  
隣其仇殺公廉知其母爲蕭之僱工婦即詰之覩其色  
有異疑焉禱于神夢空中懸匣中人三字公悟亡訓一  
斗古之團甲即今之快手必蕭某矣嚴訊之兩襪一  
繫帶一繫草取帶驗之與絞殺帶無異遂俯首吐實一  
邑稱神舊例收漕在縣倉撥運德州公念城西村甚隔  
遠詳請徑送州倉數十里村民歲省縣倉加耗車費不  
貲公私俱便報最擢御史巡視西城所轄有王某築室  
其匠者傾跌死同官覩王富欲上下其手公據理力爭

王某身家獲全陞掌道承審拒捕盜案公讞確按律奏  
決尋獲黨反不肯服有勸公潤色供狀或自劾以免失  
入之咎公曰此罪囚一時昏愚代人抵賴法不可撓寧  
受處分耳已而 旨下令覆訊囚始吐先遁不知情得  
援例末減公竟無罰其忠直無隱風節矯然類如此幸  
已擢通叅壬午晉太常少卿公天性孝友與人交必誠  
信急人之難不惜傾囊而服官廉絕一絲雖經奉差巡  
鹺課稽錢局俱洗手視事洒然爲清白吏居奉常未浹  
歲以疾卒於官年僅五十七耳設施未竟又甚惜天之



不永其齡也

...

...

...

...

...

...

...

...

...

